

近代中國史料叢刊續編第七十六輯
沈雲龍主編

江蘇兵事紀略

陳作霖著

文海出版社

有限公司

印行

江蘇兵事紀畧卷上

江甯陳作霖伯雨

吳楚之區古稱荒服習俗剽銳由來久矣建康千里八姓
所都江淮會通建爲重鎮南北交爭之地實在于斯若夫
海氛之惡則始于孫廬盛于鄭張極于濮馬欲使鯨波不
動蜃市無驚豈不賴中國有聖人哉予生長南邦傷今思
古殷鑒不遠纂述成篇武在止戈用告來者

周有天下宅居中土封周章于吳襟帶楚越淮徐之域諸蠻
錯居成王初元武庚背叛東國響應三年滅殷四年夏四
月東征淮夷竝平徐戎王遂踐奄而歸

奄在今徐州北

至于穆王

恣意巡幸徐偃王躬行仁義諸侯服從乘王西征未返欲擅天下之權王聞之駕駮駟之乘使造父爲御歸于宗周

二十四年遣使告楚帥之以伐徐戎偃王不忍鬥其民走

彭城武原之東山而死

武原在今徐邳之間

數傳而後厲王流彘宣

王承大亂之餘南北征討著有成績六年命召公虎帥師

伐淮夷而自將以臨徐戎皇父休父從次于淮徐方來庭

于是江漢常武之詩作而中興之業成矣東遷以來王

命不行于諸侯襄王七年楚人伐徐以徐從齊盟故簡王

十四年夏楚公子壬夫侵宋取彭城

今徐州府

納宋叛臣魚石

向爲人鱗朱向帶魚府以車三百乘戍之藉塞吳晉往來

之道秋七月宋老佐華喜圍彭城老佐戰死明年春宋華

元以晉欒黶及諸侯之師圍彭城彭城人降晉晉人執五

大夫歸而以彭城遺宋

偃陽

在今沛縣北與山東嶧山接界

近宋而服

于楚晉降彭城後十年荀偃士句請伐之夏四月知罃帥
諸侯之師傅于城下魯秦董父輦重如役狄虓彌建大車
之輪而蒙之以甲以爲櫓左執之右拔戟以成一隊偃陽
人啟門諸侯之士門焉縣門發郟人紇挾之以出門者主
人縣布董父登之及堞而絕之隊則又縣之蘇而復上者
三主人辭焉諸侯之師久圍而弗能克荀偃士句請班師
知罃怒促令進攻限七日爲期六月庚寅荀偃士句帥卒

攻偃陽親受矢石甲午克之遂滅其國以昇宋人 先是

吳僻處東南不通上國至壽夢時始漸强大靈王三年楚

公子嬰齊帥師伐之克鳩茲今蕪湖在長江上流至于衡山今名橫山在江

甯府城南鄉使鄧廖帥銳卒以進吳人要擊敗之獲鄧廖至十

三年楚公子貞師于棠今六合以伐吳吳不出而還又為吳

所襲敗焉景王七年楚屈申伐吳取朱方今鎮江府獲齊慶封

誅之遂滅賴今溧水九年冬楚師伐徐欲以懼吳也明年楚

亂許圍蔡洧及越常壽過等圍固城今高潛境有湖克息舟城而

居之及棄疾立始罷去十四年冬楚人及吳戰于長岸今東

西梁山口在江甯西北大敗吳師獲其乘舟餘皇公子光復奪取之

以歸 十九年春齊侯伐徐至于蒲隧今邳州東有蒲姑陂徐人行

成受盟而還 敬王十年吳子闔閭將伐徐先取鍾吾今

吾在宿遷北防山以水之遂滅徐徐子章禹奔楚 十五年越

入吳因吳師之在楚也二十六年吳子夫差敗越于夫椒

今太湖中洞庭山遂入越越子句踐臣于吳而陰懷復仇之志三

十七年乘夫差會晉黃池爭盟為二隊以伐吳疇無餘謳

陽自南方先及郊吳太子友王子地王孫彌庸壽於姚自

泓上觀之王孫彌庸屬徒五千王子地助之戰小勝俄而

句踐至王子地守明日復戰大敗吳師獲太子友王孫彌

庸壽於姚遂入吳冬吳及越平 三十九年楚公子申公

子結伐吳及桐汭今高淳境四十一年春三月越子伐吳吳

子禦之笠澤今吳松江或曰太湖夾水而陣越子為左右句卒使夜

或左或右鼓譟而進吳師分以應之越子以三軍潛涉當

吳中軍而鼓之吳師大亂遂敗之元王四年越圍吳弗

與戰逮三年吳師自潰夫差率其賢良與其重祿以上姑

蘇之臺使王孫雄行成于越范蠡不許左提鼓右援枹隨

使者而進遂滅吳拓地至琅邪徐州北山東界并築臺于長干今

甯南門外又名越城將以圖楚顯王三十六年楚滅越盡有吳故地

至周亡悉為秦所并焉

秦二世皇帝元年戌卒陳勝舉事于蘄四方豪傑所在響應

秋九月楚人項梁及兒子籍起兵會稽與吳接界徇下江東諸

郡今蘇常二州境是月沛人劉邦亦起兵殺縣令自稱沛公二年

冬十月秦以十月為歲首泗水監平將兵圍沛公于豐沛公出與

戰破之令雍齒守豐十一月沛公引兵之薛在今徐邳北境泗川

守壯兵敗走至戚今沛縣東有廣戚城追得殺之魏周市將兵畧豐

沛雍齒以豐降魏沛公攻之不克時秦將司馬卮北定楚

地屠相相屬沛郡至碭沛公引兵與戰蕭西不利收兵屯留留

今之沛縣東春二月攻碭三月拔之收碭兵還擊豐不下廣陵

人廣陵今揚州江都境召平聞陳勝敗死乃渡江假陳王命召項梁

于江東使來擊秦梁遂以八千人渡江東陽人陳嬰以兵

屬之

東陽在今淮邳之間

既渡淮蒲將軍英布皆從凡

下邳擊破秦嘉兵于彭城東屯湖陵

卽湖陸沛縣北

還引兵攻豐拔之俄而項梁死籍領其眾與

關明年滅秦項籍自稱西楚霸王還都彭城

爲漢王

漢元年夏四月王帥五諸侯兵五十六萬人伐

齊未返遂乘虛入彭城收其貨寶美人日置

聞之自以精兵三萬人南出胡陵至蕭晨擊

彭城日中大破漢軍漢軍皆走相隨入穀泗

者十餘萬人漢卒皆南走山楚軍又進至睢

卒十餘萬人皆入睢水睢水爲之不流凡圍漢王三匝會

大風晝晦楚軍迷亂漢王乃得與數十騎遁去相持樊陽

京索間者五年割鴻溝以和漢復背約追項王至東城在今

江浦西北項王自度不得免分其騎卒四面馳出斬漢一將一

都尉殺數十百人東走欲渡烏江在江浦西今名駐馬河亭長檣船

以待項王謂初與八千子弟渡江今無一人還者何面目

見江東父老乎乃下馬持短兵接戰所殺百人身亦被數

十創遂自刎而死於是楚地悉定十一年淮南王英布

反取擊荆今淮安山陽境荆王劉賈走死富陵疑今阜寧境盡劫其兵

渡淮擊楚今徐州銅山境楚發兵與戰徐僮間僮今沭陽境十二年帝

史記卷九十五

自將擊敗布兵布走渡江南而死 景帝三年吳王濞楚

王戊反 吳都江都 楚都銅山 發兵而西太尉周亞夫使輕騎出淮泗

口 今清 塞其餉道吳楚兵皆以飢敗濞走丹徒而死戊自

殺于國時周北以一節入下邳矯吳王命召縣令殺之發

兵得三萬人北略城邑聞吳王敗乃歸下邳未至疽發背

死 新莽天鳳四年江淮間民竝起為盜臨淮瓜田儀依

阻會稽長州 今蘇州府 長洲縣 琅邪呂母聚黨數千人殺海曲宰

為子報仇遂入海中 今海州 一帶 州郡不能制

光武帝建武四年董憲自稱海西王據下邳將軍龐萌反

與連和帝自將擊萌于桃城 疑今桃 源北境 大破之憲走蘭陵 今

遷北 五年車駕轉徇彭城下邳六年揚武將軍馬成發丹

陽九江等郡兵蕩平江淮 順帝陽嘉五年揚州六郡東

西淮南北 皆為所掃 賊章河等寇四十九縣殺傷官吏漢安二年徐

州賊亦起建康九年秋八月揚徐賊范容周生等攻略城

邑御史中丞馮赦督州郡兵討之九月揚州刺史尹耀攻

賊于歷陽 今江浦西 錯和州境 敗沒先是廣陵太守張綱招撫劇賊

張嬰散遣部眾閱數歲綱卒後來者不能綏安之冲帝永

嘉元年春正月嬰眾復反殺堂邑 堂同棠 即六合 江都二長是時

九江賊徐鳳亦攻殺東城長三月九江都尉滕撫討范容

周生斬之夏四月丹陽賊 今江寧南鄉 即小丹陽鎮 陸宮等圍城壞亭

寺丹陽太守江漢擊破之五月下邳人謝安應
 冬十一月中郎將滕撫討平張嬰歷陽賊華孟
 撫又擊破之獻帝初平二年下邳人闕宣聚眾
 稱天子徐州牧陶謙擊斬之 興平元年兗州
 擊陶謙徐土不安下邳相笮融將男女萬口走
 趙昱待以賓禮融利廣陵貲貨酒酣殺昱放兵
 渡江屯秣陵縣南今秣陵奉揚州刺史劉繇為盟
 居曲阿今鎮江府丹陽縣遣其將樊能于糜屯橫江張
 口橫江當利皆江寧上游渡口以拒袁術所遣折衝校尉孫
 年策由歷陽渡江皆攻克之盡得邸閣糧穀戰

薛禮據秣陵城與笮融相掎角策率周瑜呂範先攻融斬

首五百餘級融閉門不出因攻薛禮禮突圍走復下攻融

為流矢所傷還牛渚營牛渚在江寧西江岸誘敵入伏大破之乃由

小丹陽轉攻胡孰江乘胡孰江乘皆上元界皆下其城融因殺禮而

南奔孫策進至曲阿與繇將太史慈過于神亭在今鎮江丹陽界

直前相鬥策掣得慈手戟慈亦獲策兜鍪及部眾至始解

散當是時策將朱治逐吳郡太守許貢據其城貢依山賊

嚴白虎于郡南已而繇與策戰兵敗奔丹徒遂走豫章今江

西策凡得見兵二萬餘人馬千餘匹威震江東 劉備既

代陶謙之任建安元年揚州牧袁術攻劉備以爭徐州備

使張飛守下邳自將拒術于盱眙淮陰

盱眙在洪澤湖南淮陰今山陽相

持經月術與溫侯呂布書合襲下邳許助以軍糧布時屯

徐西引軍水陸東下中郎將許耽開門納之張飛敗走備

聞之引還比至下邳而兵潰遂收餘眾欲取廣陵與術戰

又敗屯于海西

今海州界

詣布降布亦忿術許糧不給乃召備

復以爲豫州刺史使屯小沛布自稱徐州牧其將郝萌夜

攻布布科頭袒衣走詣都督高順營順卽嚴兵入府討之

萌敗走爲其下曹性所殺末幾袁術遣紀靈帥眾攻劉備

布自往救之屯沛南邀靈與備飲射戟枝以爲解因各罷

去備合兵得萬餘人布惡之自出兵攻備備敗走歸曹操

操益其兵使仍

惇救之爲順所

遇遂合勢併進

操先驅進至下

出操引沂泗水

開門納官兵布

殺之振旅還許

是吳郡太守陳

等破走之陳登

于匡琦城

在今俗呼

敵營而進別以步騎鈔其後吳兵大敗復整兵向登登告急于曹操救兵未至登密令去城十里多取柴薪兩束一聚縱橫成行夜俱發火吳軍望之驚潰會救至登合兵追奔大敗之適海西淮浦二縣民作亂督軍扈質亦討平之袁術既稱帝而大困將走歸青州過下邳曹操遣劉備邀之術不敢過死于江亭劉備既至徐州殺刺史車胄使關羽守下邳而自屯小沛操遣司空長史劉岱中郎將王忠擊之不克乃自將討之進拔下邳備棄軍奔青州自是徐州入于魏

自後曹魏據有中原

吳王孫權承兄策之業保據江東既受魏封復有貳心曹丕

篡漢之三年自將南征以征東大將軍曹休等督二十餘

軍乘舟自海陵臨江

海陵今泰州

吳建威將軍呂範等渡江拒

之于洞浦十一月大風吳兵覆溺死者數千安東將軍徐
盛收兵與休夾江休使兵就船攻盛倉卒不能克頃之魏
軍數千人出江中全琮擊破之乃各引退又二年丕大興
兵伐吳秋九月至廣陵吳將徐盛臨江爲疑城自石頭至
江乘聯綿不絕者數百里一夕而成魏軍西望甚憚之丕
所御龍舟遇暴風漂蕩殆盡乃旋師明年冬十月丕如廣
陵故城親御甲冑臨江觀兵於馬上賦詩吳不出而還
少主亮太平元年秋八月驃騎將軍呂據等自江都入淮

泗伐魏未至淮聞丞相孫峻死以從弟綝自代據怒引兵還討綝冬十月綝遣孫憲等以舟師逆戰于江都據敗走

至新洲獲之據自殺 後主皓寶鼎元年永安山賊施但

永安在今徽寧之間聚眾數千人劫皓庶弟謙作亂比至建業今上元界

眾已萬餘以謙命召丞相丁固諸葛靚固靚斬其使發兵

逆戰于九里汀之牛屯但兵敗走併謙皆獲斬之時吳已衰司馬

晉據有北方

晉武帝咸寧五年冬詔大舉伐吳琅邪王伷由彭城出涂中

今江浦西北即滁州安東將軍王渾由淮南出橫江龍驤將軍王濬

由巴蜀浮江東下直指建業六年春王渾使參軍陳慎都

尉張喬自橫江攻賴鄉破吳牙門將孔忠兵據高望城

在今

溧水界

喬先還江北屯楊荷橋吳丞相張悌督眾三萬自牛

渚渡江圍之喬眾才七千閉柵自守舉白接詐降悌撫之而進與晉揚州刺史周浚結陣相對吳將沈瑩率銳卒三衝之不動瑩引退晉兵乘之吳師以次奔潰張喬又出其後遂大敗張悌死之沈瑩等收餘眾退屯江南之板橋會琅邪王伷濟自三山乃遣周浚及張喬之眾追至板橋盡盪平之

楊荷橋在今江浦界板橋在今江寧南門外

時王濬舟師順流而來過

三山王渾要覘過論事濬舉帆疾行曰風利不得泊也於是戎卒八萬鼓譟入于石頭皓面縛輿櫬詣軍門降濬杖

節受之送于京師太康三年吳故將莞恭帛奉舉兵反攻
殺建業令圍揚州刺史周浚于秣陵徐州刺史嵇喜率眾
渡江討平之 惠帝太安二年義陽蠻張昌黨石冰寇揚
州敗刺史陳徽諸郡盡沒臨淮人封雲起兵寇徐州以應
冰冰遂入建業修吳故宮以居冬十二月揚州秀才周玘
起兵討冰推前吳興太守顧秘爲都督於是侍御史賀循
廬江內史華譚及丹陽葛洪甘卓皆應之冰遣其將羌毒
率兵拒玘而自趣壽春玘擊斬毒冰亦爲廣陵度支陳敏
所敗永興元年春敏乘勝渡江與玘等共攻建業三月冰
北走封雲爲雲將張統所殺揚徐二州平 廣陵相陳敏

自平石冰後恃功驕恣二年冬十二月反于歷陽使其弟
昶攻破堂邑與甘卓結婚舉兵渡江揚州刺史劉機丹陽
內史王曠皆棄城走敏遂自稱大司馬楚公強使顧榮爲
丹陽內史懷帝永嘉元年榮與周玘密謀討敏請兵于揚
州都督劉準準遣劉機出歷陽擊昶烏江屯營玘說昶司
馬錢廣殺昶奪其兵還至朱雀橋南今江寧南門橋敏使甘卓拒
廣精甲利兵悉以委之卓承榮檄絕敏婚與廣通謀歛兵
斷橋借松滋侯相紀瞻及榮玘等併軍水南敏自將萬餘
人出軍水北榮以白羽扇麾之軍遂潰今其地名敏單騎
走江乘獲斬之 吳興人吳興在太湖側與蘇州接界陽羨在今宜興錢璿以

助討陳敏之功將加擢用而不願行欲殺揚州刺史王敦以作亂敦奔建業告變璿遂進攻陽羨四年春二月琅邪王睿遣將軍郭逸與周玘等討斬之玘於是三定江南矣

是時北方最強者漢劉聰趙石勒

五年春漢劉聰將趙固破徐州殺太守

裴盾愍帝建興元年趙將石虎寇譙城

今甘泉西江浦北

平西將

軍祖逖擊走之後十年石勒陷下邳據之

琅邪王睿以

安東將軍鎮建業王導兄弟實左右之及踐帝位大將軍王敦都督武昌恃功驕恣怨望朝廷永昌元年春正月舉兵反其黨沈充亦起吳興以應之三月詔徵征西將軍戴淵鎮北將軍劉隗入衛京師淵與右衛將軍郭逸築壘于

大桁北

卽朱雀橋

劉隗軍于金城

今上元琅邪村

右將軍周札守石頭

敦至建康以杜弘爲前鋒攻石頭札開門降敦入據之帝

令戴淵劉隗等攻之皆大敗敦縱兵抄掠宮省奔散誅戮

重臣加秩弗受擁兵三月不入朝謁還居于湖

卽燕湖

偃蹇

愈甚明帝太寧二年下詔討之敦疾篤不能自將使兄含

爲元帥與錢鳳鄧岳等率水陸五萬犯京師奄至江寧南

岸

今之江寧鎮

秋七月中壘將軍溫嶠出屯淮水北燒朱雀桁

以挫其鋒含等不得過乃夜募壯士遣將軍段秀渡水襲

之平明戰于越城大破之含帥餘眾退駐倪塘敦聞敗憤

惋死沈充帥萬餘人自吳興趣建康築壘于陵口

在今常州

丁

亥兗州刺史劉遐臨淮太守蘇峻帥眾入援屯于司徒故
 府乙未夜舍眾從竹格渚在今筓橋側渡淮護軍將軍應詹拒
 之不利賊長驅至御街攻臺城沈充自青溪來會之進及
 宣陽門拔柵將戰遐峻由南塘橫擊之大破其眾赴水死
 者三千人遐又追破沈充于青溪丙申賊燒營夜遁八月
 左衛將軍庾亮督蘇峻追斬沈充于吳興溫嶠督劉遐追
 王含等至江甯浦而還是日內外解嚴 成帝沖齡踐阼
 庾亮以元舅輔政疏忌諸藩咸和二年冬徵歷陽太守蘇
 峻為司農峻不奉詔舉兵反十二月京師戒嚴拜庾亮為
 征討都督亮使弟翼白衣領數百人鎮石頭三年春正月

蘇峻率眾二萬濟自橫江臺軍屢敗詔尙書令卞壺都督
大桁以東諸軍事二月峻由小丹陽經秣陵奄至覆舟山
壺督軍與戰于西陵敗績丙辰峻攻青溪柵因風縱火焚
燒省署殆盡壺苦戰不能勝與二子眇盱皆死之庾亮屯
宣陽門外與弟翼俱未戰而潰峻兵遂入臺城逼遷帝于
石頭盡聚居民貲財于後苑使匡術守之當是時吳興太
守虞潭吳國內史蔡謨等皆起義兵討峻夏四月荊州刺
史陶侃江州刺史溫嶠合大眾入援由尋陽進軍茄子浦
都督揚州八郡諸軍事郗鑒渡江來會侃合虞潭等皆受
鑒節度鑒遂還屯京口築大業曲阿慶亭三壘以分峻兵

勢五月丙辰荆江舟師四萬直指石頭次于蔡洲侃屯查浦嶠屯沙門浦侃將李根築白石壘今上元神策門外石碇山一夕而成庾亮以三千人守之峻率步騎萬餘來攻不克而退秋九月峻將張健韓晃急攻大業壘陶侃將搗石頭以救之庚午遣督護楊謙以水軍往攻峻果來援謙詐敗奔白石庾亮溫嶠趙胤帥步兵萬人從白石南上欲挑戰峻將八千人逆之使其子碩及匡孝分兵先薄胤眾敗之峻望見胤走大喜乘醉舍眾而前突陣不得入回趣白木陂馬躡牙門彭世李干投之以矛墜馬斬其首眾遂潰其黨奉峻弟逸爲主韓晃亦引兵還石頭管商攻虔亭壘督護李闓

擊破之商走詣庾亮降餘眾皆歸張健四年春正月丁卯
匡術以苑城歸順百官皆赴臺省陶侃使其將毛寶守南
城鄧岳守西城戊辰蘇逸等眾併力攻臺城毛寶登城射
殺數十人乃退二月丙戌行臺諸軍進攻石頭李陽與蘇
逸戰于查浦陽軍卻建威長史滕含以精卒橫擊之逸大
敗諸軍乘勝渡淮薄蘇碩別屯斬碩殲其眾李陽亦獲蘇
逸斬于車騎府韓晃棄石頭奔張健于曲阿帝得出眾奉
還宮張健聞敗帥舟師自延陵今常鎮之間入吳興揚烈將軍
王允之與戰大敗之健與韓晃西趣故鄣今徽州郗鑒遣參
軍李閔追之及平陵今溧陽界健據山不下晃獨出帶兩鞍坐

胡牀而射矢盡就斬之健乞降並梟其首餘黨悉平 五

年趙將劉徵帥眾數千浮海掠東南諸縣殺南沙

今南匯川沙界

都尉許儒六年徵復寇婁縣掠武進揚州刺史郝鑿擊卻

之穆帝永和五年征北大都督褚裒伐趙趣泗口遣督護

虞嶷據下邳已而代陂敗聞裒乃退屯廣陵 簡文帝咸

安二年前中郎將庾希聚眾海濱以討大司馬桓溫廢立

爲名掠漁人船夜入京口內外震驚秋七月東海內史周

少孫擒斬之冬十一月妖人盧悚帥三百人晨攻宮城詐

稱海西公復位突入雲龍門略取武庫甲仗游擊將軍毛

安之聞難帥眾入衛手自奮擊與中領軍桓秘等併力討

誅之。孝武帝太元二年秦苻堅吞併胡羯據有中原志
在圖晉晉丞相謝安乃薦兄子玄爲將秋七月詔建武將
軍謝玄監江北諸軍事玄多募京口勁勇號北府兵四年
秦將彭超攻龍驤將軍戴逵于彭城玄帥眾進次泗口聞
超輜重在留城揚言襲之超乃解彭城圍而去秦續遣驍
將俱難等來會超進圍幽州刺史田洛于三阿今廣應境淮陰
盱眙以次陷沒朝廷震恐詔左衛將軍毛安之屯堂邑以
爲聲援於是玄回軍廣陵遣護軍何謙馳援三阿連戰皆
勝超難引退夏六月玄率諸將追之大捷于君川參軍劉
牢之等盡獲其輜重超難率遁走晉軍勢振至六年出境

迎擊遂得肥水之奇功焉 安帝隆安元年會稽王道子
輔政任用非人夏四月兗州刺史王恭舉兵京口以除君
側之惡爲名京師戒嚴遣兵數百人戍竹里句容境遇賊驚
散道子大懼殺王國寶王緒以說恭衆乃止而所遣吳國
內史王嶽召募之衆不肯散去反使其子泰率以擊恭恭
遣司馬劉牢之帥衆擒殺泰進與嶽戰于曲阿大敗之嶽
單騎走恭兵遂暫罷會稽世子元顯惡其跋扈終欲除去
之二年秋七月恭復舉兵反先遣何澹之孫無終向句容
約豫州刺史庾楷刻期同向京師九月己亥譙王尙之敗
楷于牛渚俄而劉牢之次竹里元顯唱以重利牢之歸降

左衛將軍桓修至句容無終亦降牢之使子敬宣還襲恭
恭眾潰散單騎走長塘湖爲人執送京師斬于倪塘卽以
牢之代恭任乙巳廣州刺史桓玄自湓浦下與南蠻校尉
楊佺期進至橫江譙王尚之敗走西軍遂掩至石頭己酉
牢之率北府之眾馳至京師軍鋒甚銳西軍望之奪氣回
泊蔡洲於是朝廷遣太常殷茂論玄等罷兵乃各還鎮
五年海賊孫恩據會稽八郡作亂吳國內史袁崧築滬瀆
壘以備之在今上海未幾恩至破其壘并殺崧以舟浮海奄至
丹徒戰士十餘萬樓船千餘艘建康震駭隊主劉裕自海
鹽入援與恩俱至京口恩帥眾鼓譟登蒜山裕卽引兵橫

擊大破之恩狼狽而走僅得還船然猶恃其強盛整眾向京師數日至白石聞譙王尙之所領精卒已入徑屯積弩

堂劉牢之亦至新洲逡巡不敢進乃浮海北走郁洲

今海州境

而別將陷廣陵殺傷三千人詔以劉裕爲下邳太守討恩

于郁洲累戰皆捷追至滬瀆又大破之恩由是衰弱復竄

入海 元興元年春正月尙書令元顯以桓玄逆狀漸著

決計討之丙子建牙于東府以鎮北將軍劉牢之爲前鋒

玄聞之引兵先下二月丁酉至姑孰使人誘說牢之三月

己巳牢之叛降于玄辛未元顯率眾陳于宣陽門外聞玄

至欲退走玄遣人拔刀隨後大呼曰放仗眾皆奔潰元顯

走歸東府玄衆追獲之并道子皆遇害且逼帝禪位焉明年春二月建武將軍劉裕謀興復晉室使劉毅孟昶起廣陵諸葛長民起歷陽刻期齊發丙辰裕襲京口斬兗州刺史桓脩孟昶亦斬桓弘于廣陵收衆濟江丁巳裕衆千七百人軍于竹里桓玄乃加桓謙征討大都督頓邱太守吳甫之左衛將軍皇甫敷相繼北上三月戊午裕軍與吳甫之遇于江乘甫之兵甚銳裕手執長刀大呼衝陣遂斬甫之進至羅落橋今上元石埠橋皇甫敷率衆逆戰甯遠將軍檀憑之敗死裕意氣彌厲敷圍之數重裕倚大樹挺戰敷拔戟將刺裕裕瞋目叱之敷辟易裕衆俄至射敷中額而仆裕

進斬之桓謙屯覆舟山合眾二萬己未裕至蔣山疑有伏使劉鍾往搜盡殲之遂與劉毅等分爲數隊突謙陣裕以身當先士卒皆殊死戰呼聲動天地謙軍卽時奔潰玄率親近僅數十人出南掖門具舟石頭挾帝西走是日裕入建康庚申立留臺于石頭使毅與何無忌追玄且迎帝復位焉諸葛長民先爲歷陽刀達所執至是破械出禽達送留臺斬之 盧循者孫恩之黨也恩爲劉裕所敗投海死循竊據廣州朝廷因而羈縻之義熙六年聞劉裕征南燕乘京師空虛出豫章浮江東下戰士十餘萬內外戒嚴劉裕聞之急還率重兵渡江自鎮石頭分遣諸將各守要隘

時賊軍次三山其將徐道覆欲自新亭舍舟而上數道攻裕循不從裕因使伐樹柵淮口修治城築查浦諸壘以兵守之賊連戰不利乃伏兵南岸使老弱乘舟向白石聲音悉眾步上裕留參軍沈林子徐赤特戍南岸斷查浦戒令堅守而自與劉毅北出拒之夏五月庚辰循焚查浦進至張侯橋赤特率兵出戰林子止之不從遇伏而敗渡淮北走林子以散卒據柵道覆率勁勇屠集沿塘而陣延袤數里林子與劉鍾王鎮惡斷塘力戰神弩亂發會朱齡石救兵至賊乃退裕率眾馳回石頭斬赤特以徇遂出陣南塘循引兵至丹楊郡寇掠無所得欲退裕遂帥眾進戰追至

江中縛以大筏因風衝擊大破之秋七月循南走裕遣將追之而自還東府治水軍焉 太尉裕威權日盛翦除宗室司馬國璠自徐州聚眾數百潛渡淮回天夜陰暗緣廣陵城得入郡廨直上聽事太守檀祗驚起處分賊從暗中射之乃復入閉門知賊眾無多令打五鼓國璠聞聲訝天將曙即時奔散祗追殺百餘人事乃定而宋業即於是成矣

宋營陽王景平元年魏師圍青州刺史竺夔于東陽城

時青州

三州皆寄治淮徐間中原已為拓跋魏所併

鎮北將軍檀道濟救之未至而魏

師燒營走道濟乃還廣陵文帝元嘉二十七年冬十一月

魏主燾自將南侵既入宋境徐州刺史江夏王義恭欲棄彭城奔郁洲長史張暢以爲不可乃止未幾魏主至彭城暢與李孝伯臨城交語音辭詳贍冬十二月丙辰魏主解彭城圍南下使中書郎魯秀出廣陵南陽王那出山陽永昌王仁出橫江凡所經過無不殘害己未魏主渡淮乙丑至瓜步壞民屋宇伐蒹葭造算筏聲欲渡江庚午內外戒嚴詔太子劭守石頭總統水軍防護沿江要隘魏主餉帝橐駝名馬欲以通好帝饋珍羞異味以報之二十八年春正月丙戌朔魏主大會羣臣于瓜步山班爵行賞有差丁亥魏掠居民焚屋宇而去二月丙辰朔過彭城聞宋將追

襲乃盡殺所驅廣陵民輕騎引還先是童謠云虜馬飲江水佛狸死卯年佛狸魏主小字也歸後卽死果應是謠焉
三十年春三月癸亥太子劭弒其君庚寅武陵王駿起兵于西陽以討之南譙王義宣隨王誕雍州刺史臧質皆與相應義軍柳元景以船舫不堅憚于水戰乃倍道兼行至江甯浦步上使右軍將軍薛安都耀兵于淮上而潛至新亭依山建柵劭使蕭斌統步軍褚湛之統水軍與魯秀王羅漢等精兵合萬人攻之劭自登朱雀門督戰元景水陸受敵意氣彌厲會魯秀誤擊退鼓劭眾遽正元景乃命開壘鼓譟以乘之劭眾大潰墜淮死者無算劭更帥餘眾

自來攻壘元景復大破之士卒爭投死馬澗

在今江寧南門外俗名澗

子澗水爲之溢劭手斬退者不能禁魯秀褚湛之皆南奔

劭走還宮戊辰武陵王駿卽皇帝位于新亭五月義宣臧

質皆來會豫州將夏侯獻之帥步騎五千軍瓜步隨王誕

所遣會稽軍亦至奔牛塘

今常州界

劭於是緣淮置戍柵斷班

瀆白石諸水口以守又決破岡方山埭以絕東軍甲戌義

軍攻大航鉤得一舫以濟緣淮諸軍一時奔潰是夜劭閉

六門禁人出入蕭斌令所統戴白幢出降詔斬斌于軍門

丙子江夏王義恭登朱雀門總羣師遣薛安都程天祚等

俱入南掖門遂克臺城斬劭于牙下並妻子梟首大航庚

辰解嚴 孝武帝建義之初竟陵王誕勳高望重久之積
成猜忌大明三年夏四月密令兗州刺史垣閭襲取之誕
覺其謀遂殺閭舉兵反詔起始興公沈慶之率眾討之慶
之至廣陵城下帝慮誕北奔令斷其走路慶之乃移營白
土去城十八里豫州刺史宗慤徐州刺史劉道隆皆率眾
來會慶之進營洛橋西焚其東門遇雨不克帝使慶之於
桑里置烽火三所克外城舉一烽克內城舉兩烽禽誕舉
三烽誕屢遣眾突圍皆敗還秋七月己巳眾軍攻克外城
乘勝進克小城誕聞軍入走至後園隊主沈允之追及于
橋上誕墜水牽出斬之傳首京師城中丁壯悉被屠僂所

殺凡數千人聚人頭于石頭南岸埋之謂之髑髏山廣陵
城空無人人遂呼爲蕪城云 明帝泰始元年徐州刺史
薛安都叛使其從子索兒圍濟陰太守申闡于睢陵安都
壻裴祖隆守下邳青州將劉彌之襲擊之祖隆兵敗奔彭
城索兒聞之釋睢陵圍引兵擊彌之彌之戰敗走保海曲
時會稽孔顛亦不附京師吳郡太守顧琛吳興太守王曇
生等皆起兵應之先驅至永世今溧陽 永世令孔景宣迎降
會稽將孫曇瓘軍于晉陵九里今武進 臺軍沈懷明至奔牛
塘所領寡弱乃築壘自固將軍張永在曲阿未得懷明消
息遂退還延陵建武將軍吳喜率羽林精銳來東所至克

捷永世人徐崇之攻孔景宣斬之吳喜至國山在今宜興遇東

軍奮擊大破之進屯吳城在宜興西南斬賊將楊玄等直逼義

興即今宜興東軍劉延熙柵斷長橋以自固庾業于長塘湖口

夾岸築城與延熙遙相應接張永既合沈懷明軍為東軍

所阻不能進司徒參軍任農夫率眾來助大破庾業于長

塘湖收其船仗二年春二月己未吳喜渡水攻郡城諸壘

皆潰延熙赴水死遂克義興張永沈懷明軍于晉陵九里

西與孫曇瓘程扞宗相對扞宗列五城以拒之御史王道

隆帥所領奮擊拔其城斬扞宗張永等因乘勝進攻曇瓘

棄郡走遂克晉陵并收復吳郡吳興四郡皆平乃召張永

等北擊彭城夏五月永與蕭道成等渡江攻薛索兒大破之索兒退保石梁食盡而潰爲申孝叔所斬薛安都遂降于魏魏遣大將尉元孔伯恭迎之張永與淮陰大將沈攸之軍于下碻分遣王穆之守輜重于武原元旣得彭城進擊穆之穆之就永三年春正月元破永于呂梁之東攸之還淮陰而王元載固守下邳夏五月攸之自淮陰送軍米至下邳使陳顯達以千人助元載而身自還鎮秋八月攸之北出至焦墟去下邳五十里顯達迎之軍至睢清口伯恭渡水破顯達軍攸之走元載遂棄下邳於是徐邳又入于魏桂陽王休範文帝少子也當蒼梧王子業時自以

屬尊望重覬覦大位元徽二年夏五月反于尋陽侍中蕭道成曰昔上游謀逆皆以淹緩致敗休範必輕兵直下應變之術不宜遠出堅守諸城以待賊彼千里孤軍求戰不得自然瓦解乃將前鋒軍頓新亭使張永屯白下沉懷明戍石頭辛卯休範前軍至新林道成築壘猶未畢使羽林監陳顯達與戰小勝壬辰休範舍舟步上遣其將丁文豪趣臺城而自攻新亭壘道成悉力拒之令越騎校尉張敬兒詐降乘間奪其防身刀斬休範首馳歸道成因遣隊主陳靈寶送詣臺道逢休範兵棄首于水挺身詣臺唱言已平而眾莫之信也休範將杜黑驪攻新亭壘自晡至明不

能克聞丁文豪破臺軍于阜茨橋因輟攻往會之右軍將
軍王道隆守朱雀門見勢急召領軍將軍劉勔于石頭勔
至今徹航以挫敵道隆不可勔戰死黑驃乘勝渡淮殺道
隆於是中外大震白下石頭之眾皆潰褚澄開東府城納
賊黑驃進至杜姥宅中書舍人孫干齡開承明門出降賊
入屯中堂宮省惟擾俄而丁文豪軍知休範死耗賊勢稍
沮會陳顯達張敬兒自新亭入援大破杜黑驃于杜姥宅
飛矢貫顯達目丙申敬兒又破賊于宣陽門外莊嚴寺小
市斬黑驃及丁文豪進克東府餘黨悉平時南徐州刺史
建平王景素爲嬖臣楊運長阮佃夫所忌謀爲自全計遣

人往來京師要結才力之士羽林監垣祇祖等皆與通謀
四年秋七月祇祖率眾奔京口云京師已變勸王速入景
素信之遂舉兵反己丑內外戒嚴遣驃騎將軍任農夫率
眾討之中領軍蕭道成屯玄武湖冠軍將軍蕭贖鎮東府
景素欲斷竹里以拒臺軍祇祖不從左軍將軍李安民破
景素軍于葛橋進薄京口乙未拔之斬景素同黨皆伏誅
於是宋室之宗藩幾盡矣 順帝嗣位以來蕭道成專執
朝權潛謀禪代司徒袁粲鎮石頭與侍中劉秉湘州刺史
王蘊謀誅之以告司空褚淵淵泄之道成使蘇烈薛淵王
天生助守石頭實以防粲更令王敬則總禁兵禦內變昇

明元年冬十一月粲謀矯太后令使劉韞卜伯興率宿衛兵攻道成于朝堂以孫曇瓘所領爲應劉秉任候伯等並赴石頭本期壬申夜發秉等恇怯晡時卽自丹楊郡率眾西行丹楊丞王遜詣東府告變道成密令王敬則徑收劉韞韞已戒嚴驚起迎之敬則拳毆其頰仆地殺之并殺卜伯興蘇烈據石頭倉城拒粲王蘊聞劉秉已走曰事不諧矣狼狽率所領赴石頭烈及薛淵據門射之蘊疑粲已敗卽散走道成遣軍主戴僧靜往助烈烈縋之入粲登城西北門列燭坐臺軍射之火滅回登東門使孫曇瓘力戰王天生臺軍死者數百人宵中僧靜分兵攻府西門粲見火

起欲還赴府甫下城僧靜挺身暗往粲子最覺有異以身
衛粲僧靜直前斫之遂俱死秉等同謀者次第捕斬百姓
哀之歌曰可憐石頭城寧爲袁粲死毋作褚淵生自此以
後宋亡而齊興矣

齊高帝得國之後傳二世而兄子鸞奪之是爲明帝會稽太
守王敬則高帝舊臣也心常不安遂於永泰元年夏四月
舉兵反自率實甲萬人過浙江眾爭歸附至吳郡太守張
瓌帥兵三千人拒之于松江聞敬則軍鼓聲一時驚散瓌
棄郡走進至晉陵南沙人范脩化殺縣令公上延孫以應
之行經武進陵口敬則痛哭而過以高帝陵所在也邱仲

孚爲曲阿令敬則前鋒奄至仲孚收船艦鑿長岡埭瀉瀆
水以阻其路敬則頓兵不得進五月詔前軍司馬左興盛
輔國將軍劉山陽築壘于曲阿長岡右僕射沈文季屯湖
頭備京口路敬則急攻興盛山陽二壘臺軍不能敵欲退
而圍不開乃各死戰馬軍主胡松引騎突其後白丁無器
械者皆駭走敬則軍大敗後軍將軍崔恭祖刺敬則仆地
軍容袁文曠斬之傳首建康東昏侯永元元年秋八月乙
卯始安王遙光據東府反主書馮元嗣叩北掖門告變詔
假右將軍蕭坦之節督軍丙辰坦之屯湘宮寺太子右衛
率左興盛屯東籬門鎮軍司馬曹虎屯青溪大橋眾軍圍

東城三面遙光遣垣厯生自西門出戰敗臺軍戊午遙光
諮議參軍蕭暢撫軍長史沈昭略自南門出詣臺自歸衆
情大沮己未厯生從南門出戰因棄稍降曹虎斬之其晚
臺軍以火箭射東北角樓至夜城潰遙光還坐小臺列燭
自照閣皆重閉軍主劉國寶先入遙光滅火匿牀下軍人
牽出斬之江州刺史陳顯達以帝誅殺太過心懷不安冬
十一月舉兵尋陽乙丑詔護軍將軍崔慧景討之以左興
盛督前鋒軍屯新亭十二月甲申顯達自采石進軍新林
興盛帥諸軍拒之顯達多置屯火于岸側潛軍渡淮由石
頭北上乙酉親帥數千人登落星岡新亭諸軍聞之奔還

宮城大駭閉門設守顯達執馬稍從步兵數百與臺軍戰于西州前再合皆勝手殺數人稍折臺軍繼至顯達不能抗走至烏榜村騎官趙潭刺落馬斬之其眾悉降崔慧景既誅陳顯達帝心忌其功二年春三月詔討壽陽裴叔業軍至廣陵而反司馬崔恭祖開城納之停二日自京口渡江入南徐州城轉向建康驍騎將軍張佛護直閣將軍徐元稱據竹里爲數城以拒之慧景子覺及恭祖所將前鋒皆荒僮善戰遂拔其城斬佛護元稱降進至臨沂今江乘鎮縣令李玉之發橋斷路慧景禽殺之乙卯中領軍王瑩都督眾軍據湖頭築壘上帶蔣山西巖實甲數萬慧景至查

劓竹塘人萬副兒進計曰今平路皆爲臺軍所斷不可議
進唯宜從蔣山龍尾上出其不意耳乃分遣千餘人魚貫
緣山自西巖夜下鼓叫臨城中臺軍卽時驚奔右衛將軍
左興盛帥眾三萬守北籬門亦望風退走不得入臺逃淮
濱荻渚中被殺甲子慧景入樂游苑崔恭祖帥輕騎千餘
突至北掖門宮城皆閉慧景引眾圍之於是東府石頭白
下新亭諸城皆潰宮中遣兵出盪不克慧景燒蘭臺府署
爲戰場守御尉蕭暢屯南掖門隨方應拒眾心稍安慧景
深解佛理頓法輪寺逼召處士何點赴其軍與之終日談
義不恤軍事會豫州刺史蕭懿帥軍主胡松李居士等入

援自采石渡江頓越城舉火城中鼓叫稱慶恭祖先欲以
二千人斷西岸兵令不得渡慧景不從至是請擊懿軍又
不許獨遣子覺將精手數千渡南岸與懿軍戰大敗單馬
退走開航阻淮以爲固恭祖頓軍興皇寺掠得東宮女伎
覺逼奪之恭祖積忿遂詣城降夏四月癸酉慧景棄軍潛
遁懿軍度北岸慧景餘衆皆走圍城凡十二日而敗慧景
單馬至蟹浦爲漁人所斬以頭納鮪籃內送建康恭祖繫
尙方獄少時與覺等皆伏誅 尙書令蕭懿勳高望重嬖
臣茹法珍譖殺之其弟南雍州刺史衍起兵襄陽浮江南
下三年秋九月前軍曹景宗自溧洲進屯江甯浦時太子

左率李居士總督西討諸軍事屯新亭景宗奮擊敗之乘勝進至阜莢橋於是王茂鄧元起呂僧珍軍前據赤鼻邏以陳伯之爲遊兵新亭城主江道林引兵出戰禽之于陣未幾衍至新林命諸軍齊進王茂據越城鄧元起據道士墩呂僧珍據白板橋居士覘知僧珍眾少帥銳卒萬人直來薄壘僧珍分人上城不遽與戰俟其越壘拔柵矢石齊發自帥馬步三百繞出其後城上人復踰城下內外奮擊居士敗走適江道林餘眾尙屯淮南西軍迫之退保朱雀憑航自固居士復請燒南岸民屋以開戰場自大航以西新亭以北邑里皆盡冬十月甲戌詔遣征虜將軍王珍國

軍主胡虎牙將精兵十萬陣于朱雀航南宦官王寶孫持白虎幡督戰開航背水以絕歸路西軍中王茂下馬單刀直前其甥韋欣慶執鐵纏稍以翼之衝擊臺軍一時驚散曹景宗驅兵乘之呂僧珍復縱火焚其營將士俱殊死戰王珍國不能抗王寶孫切罵諸將帥直問將軍席豪發憤突陣死軍乃大奔投淮死者積尸與航等後至者乘之以濟於是朱雀諸軍望之皆潰西軍長驅至宣陽門諸將移營稍前陳伯之克西明門戊寅寧朔將軍徐元瑜以東府降張瓌棄石頭走李居士自新亭歸附壬午蕭衍入鎮石頭命諸軍攻六門臺內燒營署官府驅逼士民悉入宮城

閉門自守衍命築長圍以困之楊公則自越城進屯領軍
府壘北樓與南掖門相對嘗登樓望戰城中遙見麾蓋以
神鋒弩射之矢貫胡牀公則談笑自若勇士夜攻公則柵
軍中驚擾公則堅卧不起徐命擊之臺軍乃退時又諭降
瓜步李元獻破墩申胄等軍事勢日急茹法珍欲以軍事
誅王珍國等珍國懼罪因與張齊張稷弒帝以納外兵十
二月蕭衍入屯闕武堂誅法珍等四十二人進位大司馬
錄尙書事由是而建梁國矣

梁武帝天監元年齊東昏侯嬖人孫文明作亂夏五月乙亥
帥徒數百人因運荻炬束仗入南北掖門至夜燒神虎門

總章觀入衛尉府衛尉張弘策踰垣匿于龍廡見害賊又
遣燒尚書省及閣道雲龍門前軍司馬呂僧珍直殿省帥
羽林兵要擊不能卻領軍將軍王茂督所領應赴爲賊所
射茂躍馬而進驍騎將軍張惠紹亦引兵至賊聞五鼓訝
天將曉乃散走官軍捕得文明斬于東市五年冠軍將軍
張惠紹帥師侵魏拔宿預在今邳州南近宿遷趣彭城圍高冢於是
諸將分屯蒙山固城戰于睢口惠紹號令嚴明所至獨克
軍至下邳下邳人多降者魏遣大將邢巒楊大眼攻睢口
軍睢口軍敗諸將散歸巒進圍宿預藍懷恭復于清口南
築城巒與大眼合攻之斬懷恭殺獲萬計惠紹棄宿預走

七年宿預復來降十二年春三月鬱洲即郁洲民徐道角夜

襲青冀二州城在今徐淮之間殺刺史張稷降于魏魏遣平西將

軍奚康生來迎未至北兗州刺史康絢討平之普通六

年春正月魏元法僧以彭城來降詔大都督元畧將兵應

接安樂王鑒率眾來討敗元略于彭城南而不設備元法

僧出擊大破之鑒單騎奔走將軍王希聃拔南陽平在沛南界

三月乙丑詔豫章王綜出頓彭城總督諸軍召略及法僧

還建康綜自以為齊東昏侯子陰謀叛亂乃夜亡入魏軍

彭城淪陷徐州郡縣盡入于魏自後魏分為二東魏併于高齊西魏併于宇文周

侯景者東魏叛將也以河南之地來歸帝受之復中高

氏反間欲以景易貞
臨賀王正德爲內應
月正德以平北將軍
慈湖建康大駭帝以
督城內諸軍事軍師
豐公大春守石頭輕
太府卿韋黯石衛將
板橋辛亥前鋒夏侯
衛卒營桁北將開桁
開桁始除一舶有飛

聯桁度景景乘勝至闕下夏侯繇頓兵士林館元貞棄白
下走西豐公大春奔京口彭粲以石頭降景景於是列兵
圍臺城吹脣鳴鼓百道進攻羊侃隨方抵禦倉猝不能克
乃分兵攻東府十一月辛酉東府城陷南浦侯推死之癸
亥戎昭將軍江子一與弟子四子五戰死于承明門外會
征討大都督邵陵王綸自鍾離入援步騎三萬由京口西
上景遣兵拒之子江乘譙州刺史趙伯超曰若從黃城大
路必與賊遇不如逕指鍾山突據廣莫門出賊不意破之
必矣綸從之庚辰旦營于鍾山景見之大駭分兵攻綸綸
擊敗之引軍下愛敬寺乙酉進屯玄武湖側未戰景軍退

安南侯駿逐之敗還景乘勝攻綸大軍綸軍潰乃收餘眾入天保寺景縱火焚之綸奔京口十二月羊侃卒于城中眾益危懼景決玄武湖水以灌臺城關前御街悉爲洪流矣是月杪司州刺史柳仲禮衡州刺史韋粲率眾赴難次橫江西揚州刺史裴之高自張公洲遣船渡之屯新林眾推仲禮爲大都督進次新亭緣淮樹柵景率眾至中興亭挑戰仲禮堅壁不出夜入韋粲營部分諸軍令粲屯青塘裴之高屯南苑鄱陽世子嗣屯小桁而自營朱雀桁南臺城自被圍後與援軍信命久絕有羊車兒獻計作紙爲藏勅于內太子自出太極殿前乘西北風放之冀達援軍賊

疑爲厭勝術射而下之三年春正月丁巳朔柳仲禮率眾徒營會大霧韋粲軍迷失道比及青塘夜已半立柵未合景登禪靈寺門望見之率銳卒來攻粲戰死仲禮馳救不及與景眾戰大破之仲禮亦被重創自是景軍不復濟南岸未幾邵陵王綸收散卒自東道復至屯于桁南驃騎洲癸未鄱陽世子嗣等將兵渡淮焚東府前柵進至菰首橋東遇伏天門太守樊文皎戰死當是時臺城久閉飢疫死者大半景軍亦困欲取東府城積米而援軍阻其路乃僞拜表求和太子許之二月盟于西華門外然長圍終不解也庚子南康王會理援軍至馬卬洲景慮其自白下而上

斷江路請悉勒屯南岸太子因令會理移軍江潭苑既而
景運米入石頭已畢乃復舉兵向闕城中登陴者不滿四
千人猶望外援而邵陵王綸柳仲禮兩軍皆閉壁不戰三
月南康王會理羊鴉仁等進營東府城北景使宋子仙擊
敗之積其首于闕下以示城中於是決石闕前水晝夜進
攻會城中軍士白曇朗董勛等謀叛丁卯夜引賊登城西
北隅永安侯確力戰不能卻臺城遂陷景入以白虎幡解
外援軍幽帝于淨居殿未幾帝以餒殂太子綱立爲簡文帝焉而自稱大丞
相都督內外諸軍事景既據京師遣其黨于子悅率羸
卒數百東略吳郡太守袁君正迎降子女財物皆被掠奪

東人因置壁壘以拒之陸緝復據吳郡時吳興太守張曠與御史中丞沈浚會謀討景秋八月景遣侯子鑿擊之吳興兵力單弱曠戰敗還府整服端坐子鑿執送建康殺之宋子仙亦陷吳郡殺陸緝自是三吳皆沒于景簡文帝大寶元年春正月癸酉廣陵人來疑奉前太守祖皓襲殺景所置南兖州刺史董紹先據其城傳檄遠近乙亥景遣郭元建率眾奄至皓嬰城固守二月景又遣侯子鑿帥舟師八千自帥徒兵一萬來攻癸未城破執皓縛而射之然後車裂以徇城中無少長皆殺死者凡八千人景還建康以郭元建爲南兖州刺史時齊行臺尙書辛術鎮下邳經

略淮南遣兵寇陽平元建擊卻之是歲冬十一月侯景自立爲帝明年春二月湘東王繹命征東將軍王僧辯東揚州刺史陳霸先會兵東伐三月庚辰諸軍至張公洲景使盧暉畧守石頭紇奚斤守捍國城辛巳西軍乘潮入淮進至禪靈寺渚景以石沈船塞淮口綠柵作城自石頭至于朱雀桁樓堞相望壬午陳霸先度至北岸于石頭西橫壠築柵至于落星墩眾軍次連入城直出石頭東北景恐西州路斷亦于東北果林作五城以遏大路使王偉守臺城朱長貴守延祚寺丁亥西軍畢度淮水僧辯進至招提寺北景眾屯西州之西霸先以賊少我眾兵勢宜分乃令

諸將別屯景衝將軍王僧志陣僧志小郤霸先遣徐度將弩手三千橫截其後景兵退霸先率王琳杜龕等以鐵騎乘之僧辯大軍繼進盧暉畧以石頭降僧辯入據之景與霸先殊死戰棄稍執刀左右衝陣陣不動景衆遂大潰諸軍逐北至西明門景不敢入臺而東走未幾爲羊鷓所殺王偉亦棄臺城遁僧辯使杜崩入守之拜表迎湘東王還都不果行僧辯遂留鎮建康 郭元建因景敗來歸陳霸先將兵渡江受降未至元建又以廣陵降齊齊行臺辛術入據之霸先至歐陽收元建部曲三千人而還元帝承聖二年齊遣大都督潘樂與郭元建將兵五萬攻陽平拔之

進圍秦郡

今六合

霸先命別將徐度入秦郡固守齊眾攻之

甚急王僧辯使左衛將軍杜勣救之霸先亦自歐陽來會
與元建大戰于士林霸先以強弩射元建勣因縱兵擊之
元建大敗收餘眾去秋七月廣陵僑人朱盛張象聚黨數
千謀殺刺史溫仲邕遣使詣京口求援于霸先云已克外
城霸先使告僧辯僧辯曰人之情偽未易可測若審克外
城亟須應接如其不爾無煩進軍使未報霸先已濟江僧
辯乃命武州今邳州刺史杜勣助之會盛象謀泄霸先進圍
廣陵九月齊遣使言歸地事霸先引兵還京口冬十二月
齊東方白額以宿預來降三年春正月征北大將軍陳霸

先自丹徒渡江圍廣陵使別將嚴超圍涇州今六合以應白

額齊徵冀州刺史段韶討宿預東廣州即南兖州齊所改也刺史王

敬寶遣使詣韶告急夏六月韶趣廣陵霸先解圍走韶追

至揚子驛乃還涇州之師亦退 敬帝紹泰元年時江陵城陷元

帝為周人所戕晉安王方智立于建康齊人以兵脅納貞陽侯淵明使為梁

主王僧辯受之陳霸先時鎮京口惡其援立非次謀襲取

之秋九月壬寅夜遣部將侯安都徐度帥水軍趣石頭而

自帥馬步從江乘羅落橋會之甲辰安都至石頭城北舍

舟登岸踰女垣而入進及僧辯臥室霸先兵亦至南門僧

辯方視事外白有兵俄而安都自內出僧辯遽走遇子顛

與俱出閣帥左右數十人苦戰于聽事前力不敵走登南
門樓霸先因風縱火僧辯窮迫與子頴俱就執是夜霸先
縊殺之前青州刺史程靈洗率所領救僧辯力戰于石頭
西門霸先兵不利遣使招諭之久之乃降丙午淵明遜位
去帝復立加霸先尙書令都督中外諸軍事 王僧辯部
將杜龕據吳興反義興太守韋載以郡應之僧辯從弟僧
智亦據吳郡拒守冬十月陳霸先遣驍將周文育攻義興
不利載因于城外據水立柵相持數旬霸先患之辛未自
表東討留高州刺史侯安都石州刺史杜陵宿衛臺省甲
戍軍至義興拔其水柵譙秦二州刺史徐嗣徽僧辯之姻

也與南豫州刺史任約謀叛丙子乘虛襲據石頭遊騎至
關下安都閉門不出夜爲戰備丁丑旦嗣徽兵至安都帥
甲三百開東西掖門出戰大敗之嗣徽奔還石頭不敢復
逼臺城陳霸先使韋載族弟翽說載來降引置左右與參
謀議以翽監義興郡事使周文育進討杜龕裴忌助黃他
攻王僧智于吳郡未幾皆平戊寅霸先卷甲還建康使徐
度于冶城寺立柵南抵淮渚十一月庚辰齊淮州刺史柳
達摩將兵萬人自胡墅度江入于石頭癸未霸先使侯安
都領水軍夜襲胡墅燒齊船千艘又遣韋載築壘于大航
以杜陵守之齊人于倉門水南立二柵與眾兵相拒甲辰

嗣徽攻冶城柵霸先領鐵騎自西明門出擊之嗣徽大敗
留柳達摩守石頭而自往采石迎齊援十二月癸丑侯安
都襲破秦郡收嗣徽家琵琶及鷹遣使送還嗣徽嗣徽大
懼丙辰霸先對冶城立航度軍攻其水南二柵柳達摩等
度淮置陣霸先督兵疾戰齊師大敗達摩仍入保石頭是
日嗣徽與任約引兵萬人自采石至霸先兵已屯江寧浦
嗣徽不敢過安都水軍襲破之嗣徽約單舸走丁巳霸先
移石頭南岸柵于北岸絕其汲路己未督軍四面進攻拔
其小城城中井皆無水或炒米食之達摩窘急乃求和霸
先亦因糧運不濟許之辛酉霸先陳兵石頭南門送齊師

北歸嗣徽約竝隨之去明年齊將蕭軌東方老與嗣徽約等合兵十萬背盟南侵夏五月庚寅由蕪湖入丹陽縣丙申進至秣陵故治霸先遣周文育屯方山徐度頓馬牧杜稜營大航南辛丑齊人跨淮立橋柵夜度至方山嗣徽列艦于青墩以斷文育歸路文育鼓譟而發至旦擊敗嗣徽斬其驍將鮑磔嗣徽因舍舟自丹陽步上霸先聞之乃追侯安都徐度還京師而自拒嗣徽于湖熟至白城適與文育兵會擊齊兵小勝癸卯齊兵自方山進及倪塘安都與嗣徽戰于耕壇南破之禽齊將乞伏無勞刺東方老墜馬跳而免霸先潛徹精卒三千配沈泰度江襲齊行臺趙彥

深于瓜步獲舟百餘艘粟萬斛六月甲辰齊兵至蔣山安
都與戰于龍尾軍主張纂冒陣死眾軍分頓樂遊苑東覆
舟山北阨其衝要霸先遣別將錢明率水軍出江乘邀截
糧運盡獲之壬子齊兵踰蔣山至玄武湖西北幕府山南
將據北郊壇文育安都移屯白土岡與之相對其夜大雨
震電暴風拔木平地水丈餘齊兵晝夜坐立泥中足指皆
爛懸釜以爨而臺中及潮溝北水退路燥眾軍每得番易
時四方壅隔糧運不至建康戶口流散徵求無所甲寅稍
霽霸先將戰調市人饋軍使建康令孔奐多營麥飯分給
戰士會陳蒨遣送米三千斛鴨子頭霸先命炊米煮鴨計

糧數斃人人以荷葉裹之乙酉未明募食比曉霸先帥麾下出幕府山與齊師戰安都墜馬部將蕭摩訶單騎大呼直前入陣齊軍披靡安都獲免霸先與吳明徹沈泰等首尾齊舉安都復自白下引兵橫出其後齊兵大潰斬獲數千人禽徐嗣徽殺之追奔至臨沂其江乘攝山諸軍相次克捷虜蕭軌東方老等四十六人潰軍得竄至江者自盧龍山縛荻筏以濟溺死無算任約王僧愔得免丁巳衆軍出南州燒齊舟艦己未解嚴庚申誅蕭軌東方老于建康市論功加霸先丞相揚州牧由是得建陳國焉

陳宣帝太建五年春三月征討大都督吳明徹統衆十萬伐

齊明徹出秦郡都督黃法𨿮出厯陽夏四月齊人于秦郡
置秦州州前江浦通涂水齊人以大木爲柵于水中辛亥
明徹遣豫章內史程文季拔其柵克之齊人遣軍救厯陽
庚申法𨿮擊破之又遣開府尉破胡長孫洪畧救秦州軍
中選長大有膂力者爲前隊號蒼頭犀角大力其鋒甚銳
又有西域胡善射弦無虛發眾軍尤憚之辛酉戰于呂梁
巴山太守蕭摩訶馳馬衝齊軍胡挺身出陣前十餘步設
弓未發摩訶擲銃鏡正中其額應手而仆齊軍大力十餘
人出戰摩訶又斬之齊軍大敗破胡走洪畧戰死甲子南
譙太守徐纓克石梁城五月己巳瓦梁城降癸酉陽平郡

降丙子法甍攻克厯陽徙鎮之戊子秦州城降癸巳瓜步

胡墅二城降六月庚戌淮陽流陽二郡降癸亥程文季拔

涇州進攻仁州今山陽界甲子克之秋八月乙未山陽城降壬

子戎昭將軍徐敬辯克海安城今東臺界九月丙子左衛將軍

樊毅克廣陵楚子城冬十月淮南皆平乃班師 九年樊

毅因齊亂攻拔潼州今清河北遂克下邳高柵等六城武原未

下而周滅齊齊地盡入于周帝聞之欲興師以爭徐兗冬

十月詔吳明徹督諸軍北伐十年春二月破周將梁士彥

于呂梁圍彭城周使大將王軌救徐州輕兵扼淮口貫鐵

索以斷清流衆軍惱懼周師圍而蹙之明徹及將士以下

悉爲所擄三月詔護軍將軍淳于量爲南兖州刺史以備
周十一年秋九月周徐州總管韋孝寬經畧淮南十一月
遣梁士彥攻廣陵克之改南兖州爲吳州自是江北之地
竝入于周末幾而周變爲隋矣

隋文帝開皇八年冬十一月詔大舉伐陳吳州總管賀若弼
廬州總管韓擒虎東西齊進命晉王廣出六合節度諸軍
九年春正月乙丑朔賀若弼自廣陵濟江至京口韓擒虎
宵渡向采石丙寅采石戍主徐子建馳啟告變戊辰陳以
蕭摩訶爲皇畿大都督別遣南豫州刺史樊猛帥舟師出
白下庚午若弼攻陷南徐州辛未擒虎攻陷南豫州時樊

猛與左衛將軍蔣元建將青龍八十艘于白下遊奕以禦六合兵忠武將軍孔範中領軍魯廣達頓于白塔寺司馬消難言于陳後主曰賀若弼若登高舉烽與韓擒虎相應鼓聲交震人情必離請急遣兵北據蔣山南斷淮水陛下以精兵萬人守城莫出不過十日二將之頭可致闕下後主不從使司徒豫章王叔英屯朝堂蕭摩訶屯樂遊苑樊毅屯耆闍寺魯廣達屯白土岡孔範屯寶田寺中書令蔡徵守宮城西北大營尋令督諸軍戰事己卯鎮東大將軍任忠自吳興入援遣屯朱雀門隋晉王廣遣總管杜彥與韓擒虎合軍新林總管宇文述自六合濟據石頭以爲兩

軍聲援辛巳賀若弼進據鍾山頓白土岡之東南陳後主見隋軍日逼與羣臣共議于內殿蕭摩訶曰弼懸軍深入壁壘未堅出兵掩襲可以必克任忠曰兵法客貴速戰主貴持重今當固守臺城緣淮立柵北兵雖來勿與交鋒分兵斷江路無令彼信得通給臣精兵一萬金翅三百艘下江徑掩六合彼大軍必謂其將士渡江已被俘獲自然挫氣臣復揚聲欲往徐州斷彼歸路則諸軍不擊自去此良策也後主不能從明日欬然曰兵久不決令人腹煩可呼蕭郎一出決之乃多出金帛賦諸軍以充賞甲申魯廣達陳兵白土岡居眾軍東南任忠樊毅孔範蕭摩訶以次而

北置陣亘二十里首尾進退不相知賀若弼初謂未戰將輕騎登山望見眾軍因馳下與所部七總管楊牙員明等甲兵凡八千人勒陣以待之廣達以其徒力戰隋軍退走者數四弼縱烟以自隱窘而復振陳兵得人頭皆走獻上以求賞弼知其驕惰更引兵趣孔範範兵走諸軍顧之驚潰員明擒蕭摩訶任忠馳入臺言敗狀後主與金兩滕使于南岸募人出戰忠曰陛下唯當具舟楫就上游諸軍臣以死奉衛後主信之勅忠出部分宮人裝束以待時韓擒虎自新林進軍忠竟迎降于石子岡領軍蔡徵守朱雀航聞擒虎將至眾懼而潰忠引隋軍直入朱雀門擒虎因趣

宮城自南掖門入文武百司皆遁後主惶遽甚與宮人十餘出後堂景陽殿自投于井及夜爲隋軍所執弼乘勝至樂游苑廣達猶督餘兵苦戰會日暮乃解甲面臺再拜曰我身不能報國負罪深矣遂就縛弼將黃昕夜燒北掖門弼馳入聞擒虎已得陳主恥功出其下欲令陳主作降牋乘驟車歸已事不果乃置陳主于德教殿以兵守衛丙戌晉王廣入臺城送陳主于東宮以施文慶沈客卿暨惠景陽惠朗徐哲五人刻削害民皆斬于石闕下以謝江南十年陳故境苦隋法嚴反者四起蘇州沈玄愴自稱天子蔣山李陵自稱大都督詔以楊素爲行軍總管將兵討之素

率舟師自揚子津入擊朱芸問于京口顧世興于武進葉
畧于無錫皆平之玄愴悽以次盪定餘黨半逃入海焉

煬帝襲位以來高麗逆命連歲用兵海內騷然盜賊遽起
大業九年秋八月癸卯吳郡朱燮晉陵管崇反詔命虎牙
郎將趙六兒將兵萬人屯揚子分爲五營以備賊崇遣其
將陸顛渡江夜襲六兒破兩營而去冬十月燮崇推餘杭
賊帥劉元進爲天子合兵攻延陵詔遣左屯衛大將軍吐
萬緒光祿大夫魚俱羅率兵討之至揚子津元進自茅浦
將渡江緒等擊走之因濟江背水爲柵明日元進來攻又
大挫之賊解延陵圍去緒等進屯曲阿元進復結柵以拒

相持百有餘日緒等挑之元進出戰陣未整緒等以騎突之賊眾遂潰赴江死者數萬乘勢進攻復破之斬管崇及其將士五千餘人會緒俱羅得罪江都丞王世充代其任既渡江而南元進將兵拒戰殺千餘人世充退保延陵柵元進遣人持茅縱火世充懼將棄營遁遇反風火轉元進率眾退世充掩擊大破之頻戰皆捷元進及朱燮敗死于吳世充誘坑其餘黨凡三萬餘人 是歲章邱賊帥杜伏威轉掠淮陰併有下邳苗海潮之眾江都校尉宋顥討之伏威與戰陽爲不勝引顥眾入葭葦中乘風縱火燒死幾盡海陵賊帥趙破陣以伏威兵少輕之召與併力伏威使

其黨輔公祐嚴兵居外自與左右十人齋牛酒入謁破陣
悉召酋首高會伏威于座殺破陣眾貽駭不及救伏威復
殺數十人下皆畏服公祐兵亦至遂并其眾攻安宜

今寶應

屠之十一年東海李子通來與伏威合既而謀殺之伏威
走免子通襲據海陵自稱將軍伏威收散卒勢稍振虎牙
郎將來整與戰于黃花輪伏威被重創率數百人遁去餘
眾漸集得八千人與郎將公孫上哲戰鹽城覆其軍十三
年春正月右禦衛大將軍陳稜討伏威不敢戰伏威遣以
婦人之服謂之陳姥稜果悉軍至伏威出挑戰稜軍射中
其額伏威怒曰不殺汝矢不拔遂馳入稜陣大呼衝擊獲

射者使拔箭斬之攜其首入稜陣又殺數十人稜眾敗走
乘勝克高郵掠六合進據歷陽自稱總管江淮間小盜爭
來附之十四年春三月吳興太守沈法興聞煬帝被殺于
江都舉兵取曲阿以討宇文化及爲名賊帥樂伯通爲化
及守丹陽法興使陳果仁攻陷之併下毘陵十餘郡自稱
江南道大總管是月宇文化及棄江都去以陳稜任留守
事

時唐主李淵已取
長安自立爲帝矣

唐高祖武德元年夏四月詔秘書監夏侯端安撫淮左陳稜
以江都歸命二年拜稜爲揚州總管秋八月海陵李子通
圍江都陳稜求救于沈法興杜伏威伏威自將屯清流

江今

浦北縣
州界
法興遣其子綸屯揚子相去數十里子通遣人詐

爲綸兵夜襲伏威營伏威怒亦遣兵襲綸由是兩軍相疑
莫敢先進子通得以攻陷江都復大破綸兵陳稜奔伏威
伏威亦引歸九月子通自稱皇帝樂伯通率眾萬餘降之
三年子通渡江取京口與沈法興將蔣元超戰于凌亭元
超敗死法興棄毘陵奔吳郡於是丹陽諸郡皆降于子通
時伏威遣使歸唐夏六月詔拜東南道大行臺尙書令封
吳王是月伏威遣輔公祏渡江攻子通丹陽克之進屯溧
水子通率眾拒之公祏嚴陣以待子通爲方陣而前公祏
前鋒殊死戰子通敗走公祏逐之反爲所乘還閉壁不出

王雄誕曰子通無壁壘又狃于初勝乘其無備也公祏不從雄誕以其私屬數百人夜出擊之子通大敗降其卒數千人餘眾退保京口會江守諸軍皆棄江都而來伏威乃徙居丹楊以逼走太湖收合散亡襲沈法興于吳郡大破之法興死子通軍勢復振盡有吳中之地祗以伏威擒卒爲所併焉五年秋七月吳王伏威入朝留輔楊領揚州刺史令右將軍王雄誕典兵爲之副至長安如不失職無令公祏爲變六年公祏殺之秋八月稱帝于丹楊國號宋修陳故宮而

將馮慧亮統舟師屯博望山陳正通統步騎屯青林山仍于梁山連鐵鎖以斷江路詔命趙郡王孝恭嶺南道大使李靖督眾軍討之七年春師次硤石諸將欲直搗丹楊李靖曰不可公柘自將尙有精兵使逕攻石頭旬日不下馮慧亮等躡吾後腹背受敵此危道也不如先攻慧亮等以挑之孝恭以爲然使羸兵先攻賊營而勒精兵以爲繼大敗之博望青林二戍皆潰三月李靖至丹楊公柘棄城走眾尙數萬李世勣追之公柘至句容騎能屬者才五百人爲武康野人所執送丹楊梟首分捕餘黨悉誅之江南平

中宗嗣聖元年武后臨朝稱制英公徐敬業起兵于揚

州匡復唐室旬日間得兵十餘萬傳檄遠近其文駱賓王

所作也冬十月楚州

今淮安府

司馬李崇福率山陽安宜鹽城

以應之甲申詔左鈐衛大將軍李孝逸爲揚州道大總管

將兵三十萬來討御史薛仲璋說敬業先取金陵以爲定

霸之基敬業從其言使唐之奇守江都自將兵攻潤州

今鎮江

府壬辰陷之曲阿令尹元貞救潤州兵敗被執不屈而死

當是時李孝逸大軍將至敬業自潤州廻軍拒之屯高郵

之下阿溪使其弟敬猷逼淮陰孝逸軍至臨淮敬業與偏

將雷仁戰敗之孝逸懼按兵不敢進監軍魏元忠固勸之

戰乃先擊敗韋超于都梁山進攻淮陰大破之敬猷脫身

走十一月庚申敬業勒兵阻溪拒守後軍總管蘇孝祥夜以小舟渡溪先擊之兵敗孝祥死孝逸諸軍繼進戰數不利將引退元忠與行軍管記劉知柔固請決戰敬業置陣既久士卒多疲倦顧望陣不能整孝逸進擊之因風縱火敬業大敗斬首七千級敬業敬猷等輕騎走入江都攜妻子奔潤州潛蒜山下謀渡海奔高麗孝逸進屯江都分遣諸將追之乙丑敬業至海陵界阻風其將王那相殺之出降餘黨多死凡七十二日而揚楚潤三州平肅宗至德元年安祿山亂未平永王璘鎮江陵謀窺江左冬十二月引兵東下至當塗遣其黨季廣琛襲揚州府長史李成式于

廣陵二年春正月成式遣其將李承慶拒之時河北判官李銑在城中麾下有騎一百八十成式等求其將兵遂率所領屯于揚子廣陵判官評事裴茂以步卒三千同拒于瓜步洲伊婁埭會李承慶降于璘璘又殺丹楊太守閻敬之以徇江左大震裴茂至瓜步洲廣張旗幟列于江津璘登潤州城望之始有懼色季廣琛召諸將謂曰吾屬從王至此天命未集人謀已隳不如及兵鋒未交早圖去就諸將皆然之於是廣琛以麾下步卒六千奔廣陵渾惟明奔江寧馮季康奔白沙璘憂懼不知所出其夕江北之軍多列炬光照水中一皆爲兩璘疑官軍已渡遂挈家屬潛

遁及明不見濟者乃復入城收兵具舟楫而去奔晉陵成
式將趙侃追至新豐與璘子傷及其將高仙琦等戰射傷
中肩璘兵遂潰奔至江西而滅 上元元年冬十月詔除
宋州刺史劉展爲江淮都統以其倔强不法密勅舊都統
李岷淮南節度使鄧景山于中道圖之展覺其情悉發宋
州兵七千趣廣陵李岷鄧景山將兵拒之移檄州縣言展
反展亦宣言岷反州縣莫知所從岷引兵渡江與潤州刺
史韋儼浙西時江南道併入浙西節度使侯令儀屯京口闕北固爲
兵場插木以塞江口十一月乙未展擊敗景山兵于徐城
入揚州進軍白沙設疑兵于瓜洲多張火鼓若將趣北固

者如是累日乃自上流濟襲下蜀

在句容北

峒軍聞之自潰丙

申展陷潤州與昇州

治金陵

軍士謀襲金陵城不克而還俟

令儀懼以後事授兵馬使姜昌羣棄城走昌羣遣其將宗犀詣展降丁酉展入昇州使昌羣領之以宗犀爲丹楊軍

使李峒之去潤州也副使李藏用收散卒得七百人東至

蘇州募壯士二千人立柵以拒劉展與展將張景超戰于

郁墅兵敗奔杭州景超遂據蘇州由是展兵所向江淮間

無不摧靡當是時平盧兵馬使田神功將精卒五千屯任

城鄧景山旣敗求救于神功且許以淮南子女玉帛爲賂

神功悉眾南下及彭城奉勅促行展聞之始有懼色自廣

陵將兵度淮拒之連戰皆敗獨與一騎亡度江神功陷楚州旋入廣陵大掠殺商胡以千數城中地穿掘畧徧二年春正月辛亥夜神功先遣特進范知新等將四千人自白沙濟西趣下蜀鄧景山將千人自海陵濟東趣常州神功自將三千人軍于瓜洲壬子濟江展將步騎萬餘陣于蒜山神功以舟載兵趣金山會大風五舟飄抵金山下展屠其二舟沈其三舟神功不得度還軍瓜洲而范知新等兵已至下蜀展擊之不勝弟殷勸展引兵逃入海展不可更率眾力戰將軍賈隱林射展中目而仆遂斬之展黨王暉自淮南引兵東走至常熟乃降餘眾悉平 代宗大曆三

年平盧行軍司馬許杲將兵三千人駐淮南不去詔行營防禦使張萬福討之杲懼自當塗移軍上元又北至楚州大掠將及淮陰爲其將康自勸所逐沿途騷擾循淮而東萬福倍道追及殺之免者什之二三德宗建中三年淄青節度使李正己卒其子納不待朝命自爲留後徐州刺史李洧正己之從父兄也不義所爲彭城令白季庚說洧舉州歸國遣攝巡官崔程奉表赴長安冬十月戊申加洧御史大夫充招諭使李納遣其將王溫會魏博將信都崇慶其攻徐州洧遣牙官王智興詣闕告急智興善走不五日而至十一月詔發朔方兵五千人以唐朝臣將之與宣

武節度使劉洽神策都知兵馬使曲環滑州刺史李澄之師共救徐州時朔方軍資裝不至被服弊惡宣武人唾之曰乞子能破賊乎朝臣以其言激怒士卒且曰都統有令先破賊營者營中物悉與之士卒憤怒爭奮崇慶溫攻彭城二旬不能下請益兵納遣其將石隱金將萬人助之與劉洽等相拒于七里溝日向暮洽引軍稍卻朔方馬軍使楊朝晟言于唐朝臣曰公以步兵負山而陳我以騎兵伏于山曲賊見懸軍勢孤必搏之我以伏兵絕其腰敗之易矣朝臣從之崇慶等果將騎二千踰橋而西追擊官軍伏兵發橫斷崇慶等軍其軍狼狽而走阻橋不得過有涉水

以度者朝晟指之曰彼能涉吾何爲不涉遂涉水擊據橋者皆走賊兵大潰洽等乘之斬首八千級朔方軍盡得其輜重旗服鮮華謂宣武人曰乞子之功孰與宋多宣武人大慙官軍乘勝逐北至徐州城下賊軍皆解圍走江淮運道始通甲申淮南節度使陳少遊引兵擊李納海州其將王涉以城降 貞元十五年徐泗濠節度使張建封卒徐州判官鄭通誠恐軍士爲變會浙西兵過彭城通誠欲引入城自助軍士怒集衆數千人斧庫門出甲兵擐執之殺通誠等數人圍牙城劫建封子愔令知軍府事表求旌節朝廷不許命淮南節度使杜佑討之佑大具舟艦遣牙將

孟準爲前鋒濟淮而敗佑不敢進泗州刺史張伍出兵攻
捕橋大敗而還朝廷不得已除張愔徐州團練使遂罷兵
憲宗元和元年鎮海節度使李錡驕淫無忌冬十月詔
以御史大夫李元素代其任錡不納命淮南節度使王鐸
討之未至錡遣牙將庾伯良將兵三千治石頭城其兵馬
使張子良知錡必敗引兵趣牙門錡跌走匿樓下親將李
鈞引挽強卒三百欲戰錡甥裴行立與子良應伏兵斬鈞
遂執錡械送京師軍府乃安 十四年淄青李師道拒命
徐州節度使李聽襲其海州克東海今贛懷仁今海等縣
而還 懿宗咸通三年秋七月徐州軍亂逐節度使溫璋

初王智興既得徐帥募勇悍之士二千人號銀刀都日浸驕橫小不如意羣起譁譟節度使輒爲所逐至是變聞詔王式爲武寧節度使帥忠武義成兩軍以赴任驕兵聞之甚懼八月式至大彭館始出迎謁式視事三日遣兩軍將士還鎮環甲執兵命圍驕兵盡殺之銀刀都將邵澤等數千人皆死九年安南徐州戍卒許佶等奉龐勛爲帥擅歸沿江東下轉入淮南淮南節度使合狐縞遣使慰勞給芻米都押牙李湘謂徐卒擅歸勢必爲亂請於高郵岸狹處聚而殲之絢不能從勛招募亡命匿於舟中眾至千人戊午行及徐城將舉事徐州節度使崔彥曾得其情遣都

虞侯元密將兵三千人逆擊之戰于宿州城外密敗死乙亥勛引兵趣彭城丁丑鼓譟進攻不移時克羅城彥曾退保子城賊推草車塞門而焚之城陷賊囚彥曾于大彭館黨與各補牙職分守要害十一月詔以康承訓爲行營都招討使王晏權戴可師副之大發諸道兵及沙陀諸部落以隸三帥承訓頓宋州畏賊不敢進可師敗死于都梁城淮南之地悉入于賊勛乃使其黨散入鄉村驅人爲兵掠奪資財境內之民始厭苦之時王晏權兵數敗退詔以曹翔代爲徐州北面招討使天雄將薛尤帥兵萬三千人相隨翔軍于滕沛尤軍于豐蕭擊敗賊將孟敬文兵十年春

正月康承訓大集諸道軍七萬餘人連營三十里龐勛始懼遣其黨寇海州海州戍將斷賊所過橋柱而弗殊仍伏兵要害以待之賊過橋崩蒼黃散亂伏兵發盡殪之二月康承訓使朱邪赤心將沙陀三千騎爲前鋒屢敗賊兵勛欲自將出戰夏四月殺彥曾及監軍張道謹等自稱天冊將軍以父舉直爲大司馬與許佶等留守遂引兵發徐州丙申夜至豐縣敗薛尤兵官軍解圍走勛留豐數日進至蕭縣合五六萬人攻柳子承訓奮擊大敗之餘衆才三千人奔還彭城先是朝廷聞薛尤兵敗使將軍宋威帥三萬人屯于豐蕭之間曹翔復引兵會之秋七月賊將朱玫以

沛縣來降康承訓乘勝長驅過宿州而西築城守之攝宿州事張玄稔將兵數萬乘城拒守使張儒列寨于城外環水自固承訓圍之勛引兵自徐州潛出欲襲官軍之後曹翔使朱玫攻豐縣破之連拔徐城下邳諸城八月壬子承訓焚外寨張儒等退保羅城官軍攻之不能克張玄稔徐州舊將也將所部兵守子城承訓遣辯士于城下招諭之九月丁巳殺張儒等而降又詐爲城陷軍潰之狀直趨徐州龐舉直許佶閉門不納玄稔使人遶城諭降崔彥曾故吏路審中開城迎官軍舉直佶保子城日昃自北門出玄稔追及盡斬之龐勛竄宋亳間走死宿遷諸寨皆殺賊守

將而降宋威亦取蕭縣徐州遂平 僖宗乾符元年徐州
羣盜起敕鄰道共討之 是歲黃巢作逆縱橫天下幾及
十年淮南則徐州江南則潤洲江北則六合皆其兵威所
及然一過而已未嘗據爲窟穴也 光啟元年浙西牙將
張郁作亂陷常州夏六月鎮海節度使周寶遣兵攻之郁
奔海陵依鎮遏使高霸霸淮南將也 二年感化軍牙將
張雄馮弘鐸爲徐州節度使時溥所忌合兵三百渡江壁
白下號天成軍因襲據蘇州 三年春三月鎮海軍劉浩
作亂奉薛朗爲帥周寶奔常州 淮南鎮遏使徐約攻蘇
州逐刺史張雄雄逃入海夏四月自海沂江屯揚州之東

塘遣其將趙暉據上元 淮南節度使高駢好神仙呂用之以妖妄被信擅軍府之政官民咸怨都知兵馬使畢師鐸自高郵舉兵討用之以鄭漢章行營副使張神劍爲都指揮使三日奄至廣陵城下用之引勁兵力戰師鐸眾稍卻用之始得斷橋塞門爲守備師鐸屯山光寺以廣陵城堅兵多甚有悔色乞援于宣州觀察使秦彥許奉以爲帥是月辛酉彥遣其將秦稠將兵三千至揚子助師鐸連日奮力攻城城幾陷甲子羅城西南隅守者焚戰格以應外兵用之乃開參佐門北走駢以百人退保于城乙丑師鐸兵入城大掠駢不得已命徹備見之戊辰出居南第以甲

士百人爲衛實囚之也先是駢牒廬州刺史楊行密入援五月至天長呂用之引餘眾從之揚州舊將多往歸焉

浙江軍使錢鏐遣東安都將杜稜等討薛朗敗其將李君暉于陽羨遂拔常州丁從實奔海陵錢鏐具部將禮迎周寶以歸 甲午秦彥將兵三萬人乘竹筏沿江而下趙暉邀擊于上元殺溺殆半丙申彥入廣陵自稱權知淮南節度使戊戌楊行密抵城下爲入寨以守之戊午彥遣兵八千出城擊行密大敗而還秦稠死焉城中乏食樵采路絕丁卯彥悉眾出戰遣畢師鐸鄭漢章將之軍容甚整行密乃積金帛麩米于空寨以誘之兵始交行密陽不勝而走

廣陵兵追及爭取輜重伏發眾亂行密縱兵擊之俘斬殆盡師鐸漢章僅以身免自是彥不復言出戰矣廣陵兵既屢敗彥等疑高駢有厭勝術甲戌使其將劉匡時殺駢并其子弟甥姪同瘞之冬十月彥遣鄭漢章擊張神劍高霸二人皆新破之神劍奔高郵霸奔海陵時楊行密圍廣陵且半年人民絕食草根木實皆盡而城終不下將引還己巳夜大風雨呂用之部將張審威帥麾下士三百晨伏于西濠俟守者易代潛登城啟門納其眾守兵皆潰彥師鐸自開化門出奔東塘行密帥諸軍萬五人入城輦西寨米以振遺民自稱淮南留後 黃巢黨秦宗權弟宗衡

自蔡州帥眾萬人渡淮與行密爭揚州以孫儒爲副十一月辛未抵廣陵城西據行密故寨秦彥舉師鐸皆歸之未幾儒殺宗衡分兵掠鄰州眾至數萬人與彥師鐸襲高郵辛巳高郵鎮遏使張神劍帥麾下二百人逃歸揚州丙戌孫儒屠高郵戊子高郵殘兵七百人潰圍而至行密慮其爲變盡坑之并殺神劍于第復恐孫儒乘勝取海陵壬寅命鎮遏使高霸悉帥兵民歸府城既至處于法雲寺久乃息而悉殺之又以罪腰斬呂用之於是揚州之亂黨盡矣趙暉據上元會周寶敗浙西潰卒多歸之遂自驕大治故臺城以居張雄在東塘暉不與通問雄泝江而上暉以兵

塞其中流雄怒戊午攻上元拔之暉走死 十二月錢鏐以杜稜爲常州制置使命阮結等進攻潤洲丙申克之禽薛朗以歸 文德元年春正月孫儒殺秦彥舉師鐸鄭漢章夏四月襲取揚州楊行密出避之 秋九月錢鏐遣其弟鉞攻徐約于蘇州旋取之先是朝廷以朱全忠兼淮南節度使將赴任徐州時溥遮道不聽前冬十月宣武將朱珍擊沛縣取之昭宗龍紀元年春正月龐師古拔宿遷軍于呂梁時溥逆戰大敗退保彭城朱珍拔蕭縣秋八月全忠至軍進攻時溥壁會大雨引還 冬十月楊行密領宣州遣都虞侯田頔攻常州爲地道入城虜杜稜以歸十二

月戊寅孫儒自廣陵渡江逐頽取常州使劉建鋒取潤州而自還廣陵 大順元年春正月龐師古帥兵十萬渡淮

攻下高郵二月己巳與孫儒戰于陵亭

在興化縣

大敗而還

楊行密遣其將馬敬言襲據潤州李友將攻常州安仁義等敗劉建鋒于武進遂拔蘇州秋九月以張行周爲常州制置使閏月孫儒遣劉建鋒攻拔常州殺行周遂圍蘇州拔之安仁義等棄潤州走二年春正月儒自潤州轉戰而南前軍至溧水行密使都指揮李神福拒而襲之俘斬千人夏五月江南大水諸營皆沒孫儒乃還揚州秋七月朱全忠與楊行密約共攻孫儒儒恃其兵強悉焚揚州廬舍

盡驅丁壯及婦女渡江行
餘火得穀數十萬斛以振
屢敗行密兵錢鏐乘虛復
食助之景福元年春二月
行密之兵屢敗糧食且盡
之破其五十餘寨田頔斬
其尤勇悍者五千人蒙以
眾歸揚州八月詔以爲淮
與徐州時溥攻戰累歲不
兵二萬救徐州汴將霍存

破之瑾遁歸明日徐州兵復出存戰死未幾龐師古攻拔
佛山寨自是徐兵不敢出夏四月全忠自將如徐州戊子
師古拔彭城時溥登燕子樓自楚死己丑全忠入徐州自
轄之有侵淮南之意乾符二年春二月楊行密伐徐州襲
其漣水今安東拔之錢鏐討浙東董昌叛逆秋七月行密
使防禦使臺濛攻蘇州以救之冬十月柯厚破蘇州水寨
三年夏四月淮南兵與鎮海兵戰于皇天蕩在今長洲鎮海兵
不利行密遂圍蘇州癸未常熟鎮使陸郢以州城降虜其
刺史成及四年夏六月錢鏐既滅董昌遣都指揮使顧全
武取蘇州乙未拔松江戊戌拔無錫辛丑拔常熟華亭

秋九月朱全忠大舉擊淮南遣龐師古將兵七萬壁清口揚州大震甲子行密與前兗州節度使朱瑾將兵三萬拒汴軍于楚州別將張訓自漣水引兵會之行密以爲前鋒師古在清口恃眾輕敵居常奕棋朱瑾壅淮上流欲灌之或以告師古師古以爲惑眾斬之十一月癸酉瑾與侯瓚將騎五千潛度淮用汴人旗幟自北來趣其中軍張訓踰柵而入士卒蒼黃拒戰淮水大至行密引大軍夾攻之汴軍大敗斬師古及將士首萬餘級餘眾皆潰行密由是得保據江淮全忠不能與爭 光化元年秋九月鎮海將顧全武拔蘇州淮南所署刺史臺濛棄城走別將周本等敗

于望亭獨秦裴守崑山不下全武帥萬餘人攻之裴屢出
戰使病者被甲執矛壯者設弓弩全武每爲之卻檄裴令
降裴以全武嘗爲僧封函納欵中乃佛經一卷全武啟視
大慙曰裴不畏死乃戲予耶益兵攻城灌之以水城壞食
盡裴乃降全武宥之而不殺時人稱全武長者 二年春
正月楊行密將兵數萬攻徐州軍于呂梁聞朱全忠自將
來救乃引去汴兵追及于下邳敗之殺千餘人 昇州馮
弘鐸繼張雄之後爲武寧節度使自恃樓船之強天復三
年犯宣州爲田頔所敗沿江將入海楊行密邀說之乃以
州附于淮南自至東塘行密館給甚厚署爲淮南節度副

使 秋八月潤州團練使安仁義舉兵叛淮南悉焚東塘
戰艦己丑襲常州不克壬辰行密以王茂章來討使徐溫
將兵會之茂章小郤溫易其衣服旗幟皆如茂章兵仁義
不知益兵復出戰溫奮擊破之時宣州田頽與同反聞昇
州刺史李神福來爲帥九月襲上元獲其妻子欲以脅之
神福進戰不願行密求兵于錢鏐鏐遣方永珍屯潤州冬
十一月田頽敗死昭宣帝天祐二年王茂章久攻潤州不
下乃爲地道以入城克之仁義舉族登樓李德誠掖之而
下并其子斬于廣陵市 後梁太祖開平二年秋九月淮
南將周本呂師造圍蘇州吳越將張仁保攻常州之東洲

拔之淮南都招討使陳璋等大破仁保于魚蕩復取東洲
三年夏四月吳越牙內指揮使錢鏐等救蘇州大破淮南
兵周本夜遁鍾泰章將精兵二百爲殿追兵不敢進而還
均王乾化三年吳越錢傳瓘等將兵攻常州營于潘葑徐
溫倍道赴之至無錫黑雲都將陳祐由宅道出敵後溫以
大軍當其前夾攻之吳越兵大敗貞明五年夏四月錢傳
瓘帥戰艦五百屯東洲與吳將淮南新彭彥章遇傳瓘命
每船皆載灰豆及沙乙巳戰于狼山江吳船乘風而進傳
瓘引舟避之旣過自後隨之吳回船與戰傳瓘命順風揚
灰吳人不能開目及船舷相接傳瓘使布沙于已船而散

豆于吳船豆爲戰血所漬吳人踐之皆僵仆傳瓘因縱火
焚吳船吳兵大敗彥章力竭遂自殺秋七月傳瓘進攻常
州徐溫帥諸將拒之雄武統軍陳璋以水軍下海門出其
後壬申戰于無錫相持未決會天旱草枯吳人乘風縱火
吳越兵亂遂大敗傳瓘遁追及于香灣復破之自後相與
約和不交兵幾二十年

江蘇兵事紀畧卷下

江甯陳作霖伯雨

周世宗顯德三年春帝自將征南唐重兵皆在潁壽間詔知揚州無備命侍衛都指揮使韓令坤將兵襲之二月乙酉白延遇以數百騎先馳入城城人不之覺令坤繼至唐東都營屯使賈崇焚官府民居棄城南走辛卯令坤攻泰州拔之時詔諭吳越使出兵擊唐吳越丞相吳程督軍趣常州別將羅晟帥戰艦屯江陰唐右衛將軍陸孟俊柴克宏同救常州克宏先至大敗吳越兵孟俊帥常州得勝兵趣泰州周兵遁走孟俊復取之進攻揚州屯于蜀岡令坤棄

城去別將張承德來救乃復入揚州大將趙匡胤屯六合
唐齊王景達將兵二萬自瓜步濟江來犯匡胤奮擊大破
之令坤亦敗揚州城外兵擒陸孟俊於是唐之精卒盡矣
唐戰船數百艘泊洞口聞周水軍練成將入淮四年冬十
二月退保清口帝自將追之且戰且行金鼓聲聞數十里
辛酉至楚州西北大破之趙匡胤爲前鋒行六十里擒其
大將陳承昭以歸士卒焚溺僅餘七千餘人於是唐之戰
船亦盡矣戊辰帝攻楚州克其月城前軍至高郵揚州官
民悉渡江去辛酉拔泰州五年春正月丁亥克海州帝欲
引戰船入江鑿楚州西北鶴水以通道旬日功成巨艦蔽

江而下唐人大駭張彥卿固守楚州不下乙巳帝自帥諸將攻之宿于城下丁未克之彥卿猶帥眾拒戰力竭而死所部無一人降者戊午帝發楚州丁卯至揚州三月壬午如泰州辛卯幸迎鑾鎮屢至江口遣水軍擊唐兵破之甲午水陸軍又大捷于東沛州戊戌吳越水軍屯通州南岸唐主見周軍勢盛恐遂南度乃盡獻江北之地以求和帝許之遂班師

禾幾匡胤受周禪國號宋

宋太祖建隆元年淮南節度使李重進以周室懿親心不自安繕甲治兵將據揚州以叛求援于唐唐主奏聞詔遣石守信等諸將分道討之丞相趙普勸帝自行冬十一月丁

未車駕至廣陵卽日攻拔其城重進舉室自焚死帝入城

慰安其軍民而還 開寶七年詔諭江南主南唐入朝不

至乃命曹彬爲行營都部署潘美爲都監將兵十萬以伐

之冬十月由采石浮梁渡江江南遣杜彥華將水軍萬人

杜眞將步兵萬人逆戰宋敗之于新林寨獲樓船二十餘

艘十二月江南兵又敗于白鷺洲八年春正月行營馬軍

都指揮使李漢瓊率所部渡淮燒其水寨別將田欽祚克

溧水江南統軍使李雄父子八人皆戰死大軍進次秦淮

舟楫未具潘美率所部先涉諸軍步騎競進大敗江南軍

二月乙卯拔昇州關城夏六月丁卯又敗江南兵于城下

冬十月江南都虞侯劉澄以潤州降朱令贇上游援師亦敗于皖口曹彬知城破在旦夕乃與諸將焚香設誓不殺一人十一月己未城陷將軍馮彥馬承信帥壯士數百力戰而死曹彬整兵入宮城國主帥羣臣肉袒降彬慰安之先是徽吳越兵助攻江南及入城焚昇元寺閣辟難其上者殆數百人皆死十二月命班師曹彬自言勾當公事歸自後江淮無事者垂百餘年 徽宗宣和三年淮南盜宋江以三十六人橫行河朔間轉掠京東州郡知海州張叔夜聞江將至遣問者覘之見江徑趨海濱劫巨舟十餘載鹵獲乃募死士千人設伏近城而出輕兵距海誘之戰先

匿壯卒海旁伺兵合焚其舟伏兵乘之擒其副賊江乃降
高宗建炎元年夏五月江寧府禁卒周德作亂執知府
宇文粹中嬰城拒守會經制司屬官鮑貽遜送勤王兵過
境發運使方孟卿檄其進兵逼城德懼乃降而焚掠如故
新除尚書僕射李綱行次江寧密與權府事李彌遜謀大
犒羣賊于轉運司廨誅首惡五十人其餘部送行在時溧
陽縣卒亦起應德縣令楊邦乂捕滅之 二年軍賊張遇
自黃州東下犯江寧都統制劉光世擊卻之 三年春正
月金人以帝居揚州欲襲取之丙午粘沒喝陷徐州知州
王復死之都統制韓世忠時屯淮陽以眾寡不敵引還粘

沒喝躡之至流陽世忠棄軍走鹽城粘沒喝入淮陽以騎
兵三千取彭城二月壬子粘沒喝至楚州守臣朱琳降遂
乘勝而南陷天長軍帝聞警報卽被甲馳騎至瓜洲得小
舟渡江唯王淵張浚及護聖軍卒數人從日夕至鎮江府
其日金將馬五率騎五百追帝至揚子橋不及而還戊辰
金人焚揚州去江淮制置使呂頤浩遣將陳彥復取之
是月御營統制王亦將京兵駐江寧謀作亂江東副使李
謨覘知之乃率所團民兵伏塗巷中柵其隘處夜半天慶
觀火諸軍譟而出王亦至不得入斧南門以遁餘黨皆散
秋九月諜報金人南寇詔杜充爲江淮宣撫使領行營

守建康節制諸將冬十一月戊申金兀朮陷眞州庚申取
烏江丁巳克六合杜充以兵六萬列戍江南岸而閉門不
出統制岳飛扣閣切諫不聽壬戌金兵由馬家渡濟江都
統制陳淬率岳飛等將兵三萬拒之御營統制王瓌率千
人爲援甲子淬與金人戰瓌引兵先遁淬孤軍力不支退
屯蔣山水軍統制邵青以一舟十八人當金兵于江中身
中十七矢遂退入竹篠港金兵進再戰陳淬敗死諸軍皆
潰杜充與戶部尙書李稅建康知府陳邦光迎降通判楊
邦乂死之兀朮遂入建康十二月辛巳陷溧水縣尉潘振
戰死於是趣廣德軍入浙先是知徐州趙立聞徵兵勤王

詔將兵三萬赴行在金人邀立于淮陰立徑進與鬥轉戰四十里至楚州矢貫頰不稍挫及入城始拔出之當建康失守之次月金人分兵攻常州守臣周杞遣赤心隊官劉晏擊之迎岳飛移屯宜興盜郭吉遁入湖飛遣王貴擊降之復與金遇四戰皆捷而兀朮乃得以偷度廣德矣是歲韓世忠聞金人渡江由京口退守江陰潰卒戚方遂趣鎮江劫知府胡唐老部眾以行唐老死之 四年春二月金兀朮引兵北還遊騎至平江今蘇州周望引兵奔太湖兀朮入城大肆焚掠而去三月壬子進及常州守臣周杞棄城走浙西制置使韓世忠聞金兵將出江移屯焦山寺兀朮

既至與戰江中相引至金山妻梁氏親執桴鼓凡數十合
俘獲甚眾敵終不得北渡遂自鎮江泝流西上世忠艤
巨艦出金師前後且戰且行將至黃天蕩兀朮窘甚或獻
開老鸛河通秦淮之策一夕渠成遂趣建康岳飛設伏牛
頭山待之夜令百人衣黑混金營中使自相攻擊兀朮次
龍灣飛與戰于新城大破之夏五月壬子金人焚建康欲
自靜安渡宣化而去世忠邀之于黃天蕩以海舟進泊金
山下預作鐵縷貫大鈎授健者及會戰出敵軍背每縷一
縷卽曳一舟沈之兀朮窮蹙見海舟乘風使篷往來如飛
謂其下曰南人使船如使馬奈何會閩人王姓者上破海

舟計兀朮從之天霽風止以小舟出江世忠海艦無風不能動令善射者以火箭射之烟燄蔽天師遂大潰兀朮因渡江屯于六合輜重自瓜步口運轉無敢擊者時金撻懶圍趙立于楚州數月不能下至是兀朮北還來假道立斬其使兀朮怒設南北兩屯絕楚餉道外援皆不得至立登磴道以觀兵勢飛礮中其首而卒金人疑其詐死不敢逼旬餘城始陷 冬十月江東賊張琪犯建康旋退 紹興元年春三月宣州賊祝友降于劉光世以兵馬副鈐轄王冠駐溧水移書假道冠不答友遂擊冠敗之而自句容趣鎮江 夏六月降盜邵青復叛犯江陰之福山詔遣海鎮

撫使李彥進等會劉光世討之冬十月青聚黨崇明沙將
攻江陰城光世命王德往救德執旗麾兵拔柵以入青眾
大潰明日復來索戰諜言賊將用火牛德笑曰此古法也
可一不可再命合軍持滿陣始交萬矢齊發牛皆反奔賊
眾殲焉 當是時金人立劉豫爲齊帝以中原之地付之
三年水軍都統制徐文以眾叛降于豫豫使文將所部由
海道寇通泰州 四年金齊合兵入寇詔韓世忠移屯
揚州以備之冬十月至廣陵使統制解元守承州今高郵親
提騎兵至大儀勒五陣設伏二十餘所戊子金前將軍聶
兒孛堇引兵至江口距大儀五里別將撻不野擁鐵騎過

五陣東世忠傳小麾鳴鼓伏兵四起旗色與金兵雜出金兵亂官軍迭進世忠令背嵬軍各持長斧上堪人胸下斫馬足敵被甲陷泥淖世忠麾勁騎四面蹂躪人馬俱斃遂擒撻不野等二百餘人已丑金人攻承州解元于州之北門設水軍夾河陣一日十三戰相持未決世忠遣成閔將騎士往援復大戰俘獲甚多世忠親追至淮上而還金兀朮屯六合之竹塹神武右軍統制盧師道擊敗之遂亦歸三十一年金主亮將大舉入寇秋八月宿遷人魏勝起兵復海州殺金守臣徐文富總管李寶承制以勝知州事檄諭流陽東海諸縣皆定之金遣蒙恬鎮國來攻抵州北

二十里新橋勝率兵迎擊大敗之殺鎮國軍聲大振乙卯
大將劉錡引兵屯揚州遣統制王剛中帥五千人屯寶應
秋九月金將李通造浮梁于淮水之上將由清河口入淮
東冬十月金主亮渡淮慮魏勝睨其後分兵圍海州會李
寶帥師來援與勝同擊金師于新橋敗之勝還守北關斂
兵不戰金欲過砂堰圍城爲營勝已先據堰待之尋以單
騎逐虜于東門外金騎五百不敢逼明日乘昏霧四面攻
城勝竭力捍禦金兵多死傷乃拔砦走辛丑劉錡次于淮
陰列戍運河岸以扼金師戊申聞廬州兵潰退屯揚州金
統軍蕭琦引兵至瓦梁扼滁河不得渡執鄉民歐大大懼

其爲浮橋以濟乃答以有路可由竹間鎮徑至六合迂途
半日六合居民皆避徙右軍統制邵宏淵率軍至與戰于
胥浦橋敗走真州遂陷乙丑金人陷揚州劉錡以舟渡真
揚之民于江南留屯瓜洲敗金追騎于阜角林旋以疾篤
還鎮江劉汜李橫屢爲金兵所挫於是盡失江北之地乙
未金主亮大敗于采石遂至瓜洲居龜山寺虞允文楊存
中臨江按試命戰士踏車船中流上下三周金山回轉如
飛金人持滿以待相顧駭愕亮笑曰此紙船耳召諸將約
以三日濟江否則盡殺之軍中危懼亮俄被戕十二月成
閔李顯忠收復江淮諸州郡三十二年金人復攻海州魏

勝力禦之不能卻告急于李寶寶以聞命鎮江都統張子蓋赴援師次石湫堰金人陳萬騎于河東子蓋率精銳數千與勝等夾擊之金人大敗圍遂解未幾魏勝移知楚州孝宗乾道三年冬十一月金兵自清河口來犯都統制劉寶遁走勝帥諸軍拒于淮陰自卯至申勝負未決金徒單克寧帥生兵至勝與力戰矢盡依土阜爲陣謂士卒曰我當死此得脫者歸報天子乃令步卒居前騎兵爲殿至淮陰東十八里中矢墜馬死遂掠楚州而去 寧宗開禧二年秋八月金將胡沙虎自清河口渡淮圍楚州冬十一月詔北密督視江淮軍馬金人掩襲六合戍兵敗之進至瓦

梁河沿江列屯旗幟相望建康大震十二月金人陷真州
甲寅鎮江副都統畢再遇引兵至六合縣登城拒守敵方
臨濠萬弩齊發金人驚遁散將完顏圖拉等以十萬騎駐
成家橋馬鞍山復進圍城再遇又卻之旣而赫舍哩子仁
增兵環攻營帳亘三十里再遇令臨門作樂以示閒暇而
間出奇兵擾之金人晝夜不得息乃引退再遇追至滁河
遇雪而還三年與金議和金人還所侵地 嘉定十三年
春金人犯淮沔侵至六合及烏江石磧橋居民多避兵渡
江者 先是應純之知楚州以山東羣盜來歸置忠義軍
于漣水東海之間而李全爲之魁其黨季先石珪夏全劉

慶福互相吞併制閩如許國徐晞稷劉瑋姚翀或爲所逐
或爲所殺猶復羈縻不絕其蓄禍深矣理宗寶慶三年李
全自蒙古力圖犯順冬十二月庚申突至揚州灣頭副都
統丁勝拒之全乃攻城南門擣揚州事趙敬夫亟迎趙范
于鎮江范亦刻期約葵葵帥萬四千人赴之全分兵克泰
州而悉眾據運河之衝使胡義將先鋒至平山堂以俟機
便全攻東門葵親搏戰全不能勝築長圍以困之范令諸
門以輕兵牽制親帥將士出堡砦西攻之全分兵諸門鏖
戰自辰至未殺傷相當明日復出師大戰獲全糧數十艘
葵亦力戰敗之四年春正月壬寅趙范趙葵大敗李全于

揚州西門外明日全置酒高會于平山堂有候卒識全槍
垂雙拂爲號以告范范喜謂葵曰此賊輕出必成擒矣乃
悉精銳數千而西取官軍素爲賊所易者張其旗幟以誘
之全望見喜甚突門而前范麾兵竝進葵親搏戰諸軍爭
奮全始知非前日官軍率數十騎北走陷入泥淖中不能
自拔葵率制勇軍追及奮長槍三十餘亂刺之全呼曰毋
殺我我乃頭目羣卒碎其屍而分其鞍馬器甲焉全旣死
餘黨欲還淮安奉全妻楊氏爲主范葵追擊大破之夏五
月官軍克鹽城遂薄淮安殺獲萬計楊氏絕淮而去其衆
皆降 蒙古旣滅金宿兵淮甸伺隙南侵端平三年冬十

一月蒙古將察罕陷六合遂攻眞州知州邱岳敗諸胥浦
橋又設伏于西城大破之嘉熙三年蒙古兵再犯眞州江
東制置使杜杲薨卒于龍灣治礮于東陽刻日往救敵聞
風而遁淳祐二年冬十月蒙古兵陷通州屠之恭宗德祐
元年春二月元蒙古博羅權軍下邳取清河漣海守臣俱
以城降三月元伯顏入建康制置使趙潛棄城走太府寺
丞趙淮戍銀林東壩戰敗死之銅關將貝寶胡嚴起兵攻
溧水亦被殺甲戌元兵犯無錫知縣阮應得戰敗死之乙
亥元兵掠常州庚申知金壇縣李成大帥義勇與元兵戰
被執不屈死時元兵東下所過風靡揚州制置使李庭芝

固守不下壬戌元阿朮攻眞州知州苗再成迎戰于老鶴
背敗績庚午阿朮乘勝進趣揚州姜才爲三疊陣逆之于
三里溝敗之阿朮佯退至揚子橋兩軍夾水而陣元張弘
範以十二騎衝才軍才軍不可動弘範引卻以誘之才將
回回躍馬出弘範反轡刺之應手仆才軍遂潰元軍進薄
揚州南門而圍之夏五月劉師勇復常州知州姚訐以張
彥守呂城秋七月師勇與張世傑孫虎臣大出舟師次于
焦山元阿朮登石公山望之曰可燒而走也乃以巨艦進
戰夾射火箭焚溺死者甚衆張弘範以銳卒橫衝世傑不
能支遂奔圖山虎臣還眞州師勇還常州冬十月元將董

文炳入江陰十二月伯顏將大軍圍常州知州姚訔通判
陳炤都統王安節劉師勇固守不下伯顏命役城外居民
運土爲壘併人築之且殺人煎膏取油以作礮焚其牌樓
晝夜攻不息二日城破訔死之炤與安節皆不屈被殺盡
屠其民伯顏遂由平江入臨安滅宋明年春三月班師以
宋帝北行至瓜洲李庭芝姜才苗再成皆謀奪駕以四萬
人夜搗元營戰三時元兵擁帝避去才獨追至浦子市而
還秋七月庭芝才奉端宗召由海道入閩至泰州揚州守
將朱煥泰州守將孫貴皆降元庭芝才死之未幾真州陷
再成亦死而天下皆爲元有矣

元順帝至正七年冬十月集慶路

今江寧府

花山盜舉四等兵起

黨類僅三十六人內一婦人尤勇悍掩殺官兵無數縱橫茅山間三月鎮南王博羅布哈募賊徒朱陳討禽之十一年淮南賊李二自號芝蔴李與其黨趙均用彭早住攻陷徐州據之十二年秋九月右丞相脫脫自出軍至徐州攻其西門賊出戰奮擊大破之李二等皆遁去遂克徐州脫脫尋還朝是年江浙盜起由常州廣德陷溧水溧陽延及句容畧上元江寧游兵至鍾山集慶危甚湖廣行省平章額森特穆爾來援至秣陵殺賊二千餘人平湖熟鎮盡復上元江寧地乘勝收二溧句容其匿方山龍潭者皆奔常

州而去十三年夏五月泰州白駒場亭民張士誠及其弟士德士信聚兵陷州城及興化縣行省以左丞僕哲篤鎮高郵知府李齊守寶社湖會數賊呼譟入城省臺官皆遁士誠遂據高郵十四年夏六月寇揚州取之秋九月滁州豪帥郭子興遣黨陷六合縣冬十一月官軍圍之親將朱元璋往救拔其眾而遷是時行臺御史大夫福壽駐集慶盜渠陳也先潘甲率眾聲言討賊索軍食城下守將不知所爲福壽用布衣王元吉計給潘甲入殺之也先遁走十五年夏六月滁州將朱元璋渡江據太平路秋八月命鎮撫徐達取溧水句容九月郭天敘張天祐督兵自官塘經

同山進攻集慶義兵元帥陳埜先與福壽合拒戰于秦淮水上元璋軍失利天敘天祐皆戰死埜先追襲經葛仙鄉民兵百戶盧德茂邀殺之其子兆先收餘眾屯方山是年青衣元帥張明鑑掠六合十六年春二月張士誠由通州渡海陷平江路據爲都遂取松江常州時淮安亦爲別賊所陷廉訪使褚不華死之三月朱元璋自太平水陸竝進至江寧鎮攻破陳兆先營釋而用之馮國用率降眾五百人先進敗元兵于蔣山直抵城下元湖廣平章阿魯灰來援戰不利遁至杏花村兵變被害元璋兵遂拔柵進福壽坐鳳皇臺下伏龜樓督戰力竭死之庚寅克集慶路改爲

應天府獲民兵五十餘萬置天興建康翼元帥府以領之
尋自稱吳國公丙申命徐達引兵攻鎮江丁酉克之遂分
兵下丹陽金壇諸縣秋九月進圍常州張士誠以舟師攻
鎮江徐還軍禦之敗其衆于龍潭復如常州薄其城士誠
弟士德來援軍中呼爲張九六梟將也兵旣交趙均用以
鐵騎衝其陣士德馬蹶被擒敵軍氣沮冬十月華雲龍等
復敗張士信兵于舊館十一月士誠兵來圍徐達營常遇
春自外至夾擊大破之于牛塘餘衆入城固守徐達攻之
愈急十七年春三月戊午克常州夏五月俞通海以舟師
畧太湖入馬跡山衝敵水寨經洞庭山猝遇士誠將呂珍

直前決戰矢中右目不爲動珍乃引去己卯兩淮分院副使張鑑克泰興夏六月己未鎮撫吳良取江陰江陰密邇姑蘇控扼大江實當東南要衝士誠屢以兵來爭良與弟禎協力固守寇至輒擊走之秋七月徐達常遇春下常熟八月襲馬馱沙克之九月青衣元帥張明鑑據揚州日屠人以爲食命繆大亨攻降之十八年春二月廖永安等討江陰石牌海寇大破之夏六月張士誠兵寇常州湯和力戰破之擒其卒三百人復寇常熟廖永安與戰于福山港大敗之追至通山狼山獲其戰艦而還冬十月徐達等圍宜興久不下乃分兵絕太湖口餉道而併力攻城甲戌克

之十九年春二月張士誠兵寇江陰蘇同僉建牙君山指揮作進攻狀守將吳良戒士卒勿輕動命弟禎整兵北門當其衝而以十餘騎蹂之擒其卒數人敵衆莫敢前分兵欲攻東門良遣元帥王子明馳擊之擒其將士五百人敵大敗宵遁秋九月復寇常州守將吳復督兵出忠節門大破之吳良聞道殲其援兵于無錫之三山敵衆狼狽走還時陳友諒據湖廣稱漢王浮江東下來犯建康二十年閏五月襲取太平應天大震或謀以城降或欲奔據鍾山劉基不可曰天道後舉者勝吾以逸待勞何患不克取威定霸以成王業在此舉也吳公意乃決召指揮康茂才曰汝

與友諒雅遊吾欲其速來汝可作書約降告以虛實使分
兵三道以弱其勢茂才乃合闔者潛至友諒軍友諒得書
大喜問康公今何在曰見守江東橋問橋何如曰木橋乃
與約曰吾至當呼老康爲驗闔者歸報吳公亟命易橋以
石諜者言友諒問新河口路因命趙德勝跨新河築虎口
城以待於是常遇春馮勝率帳前軍伏石灰山側徐達陳
兵南門外楊璟屯大勝港張德勝朱虎率舟師出龍江吳
公親總大軍于盧龍山令偃黃幟于左赤幟于右戒曰寇
至舉赤幟黃幟舉則伏兵起乙丑友諒至大勝港楊璟率
眾拒之港狹舟不得並進友諒遽退出大江徑衝江東橋

見橋皆大石連呼老康不應悟茂才使詐卽率舟師趣龍灣先遣萬人登岸立柵眾欲戰吳公曰天且雨促食乘雨擊之眾未信忽風起西北須臾大雨赤幟舉諸軍競前拔柵友諒麾眾來爭戰方合雨止吳公命鼓黃幟舉常遇春等伏兵起徐達軍亦至張德勝朱虎舟師並集內外合勢友諒兵大奔諸軍追之乘勝復太平而還二十四年夏四月俞通海汪興祖率兵掠劉家港進逼通州擊敗張士誠兵擒殺百餘人二十五年冬十月戊戌命左相國徐達平章常遇春規取淮東乙巳大軍趨泰州浚河通州遇士誠兵擊敗之駐軍海安壩丁未進攻泰州閏十月庚辰克之

十一月諸將圍高郵不克會士誠兵犯宜興達率中軍渡江救之擒殺將士三千人宜興圍解二十六年春正月士誠舟師出馬馱沙侵江陰守將吳良吳禎嚴兵以待吳公親率大軍討之未至而敵已遁追至巫子門寇乘潮逆拒首尾相失與良等夾擊大破之三月徐達自宜興還攻高郵常遇春督水軍來助一鼓克之孫興祖由海安攻通州敗其守兵夏四月徐達移師攻淮安擊敗徐義舟師于馬梁港進薄城下守將梅思祖獻所部四州出降戊午徇興化下之淮地悉平秋八月命徐達常遇春帥軍二十萬伐張士誠既下湖州轉至南潯十一月辛卯取吳江癸卯會

師平江城下達軍葑門遇春軍虎邱郭子興

此別一人與滁陽王同名

軍婁門華雲龍軍胥門湯和軍闔門王弼軍盤門張溫軍西門康茂才軍北門耿炳文軍城東北仇成軍城西南何文輝軍城西北四面築長圍困之平章俞通海分兵取太倉州崑山崇明嘉定皆望風附松江路守將亦來降是年徐州蕭邳宿遷睢寧悉納款二十七年夏六月士誠被圍既久出盤門索戰不能決轉至山塘爲王弼所逼常遇春縱兵擊之大敗其衆親軍銀鎧錦衣號十條龍者亦皆溺死士誠馬驚墮水幾不免肩輿入城計忽忽無所出壬子復突出胥門又爲常遇春所敗張士信坐城樓上飛礮碎

其首死九月辛巳徐達督將士破葑門士誠親帥餘兵戰于萬壽寺東街敗歸距戶自經降將李伯昇排門入合左右抱解之昇送應天終不屈而死自後羣雄滅元主遁而明一統之業成矣

明惠帝建文元年燕王棣反于北平四年夏五月帥兵趨揚州守將王禮降連下高郵通泰諸城遂克儀真取六合六月癸丑都督盛庸帥舟師敗之于浦子口復戰不利乙卯燕王誓師渡江盛庸迎戰于高資港敗績庚申燕兵至龍潭辛酉命諸王分守都城乙丑燕兵犯金川門谷王穗及李景隆叛開門納燕兵都城陷魏國公徐輝祖帥師迎戰

敗績宮中火起帝不知所終 武宗正德七年夏流賊劉
七齊彥名帥五百人舟行自黃州下抵鎮江都人大恐秋
七月復自通州上犯九江尋復下至狼山凡三過南京無
一人出禦者 明代倭患沿海諸省受之而自海入江江
蘇首當其衝世宗嘉靖三十二年倭夷犯蘇松二郡以柘
林爲巢穴江南則上海太倉南匯崇明諸州縣江北則通
州如臯泰興海門諸州縣皆其出沒之區雖有總兵湯克
寬僉事任環隨時掩擊而未嘗大挫至三十四年夏五月
張經總督軍務始有王江涇之大捷焉時倭夷別屯自海
洋突犯蘇州分爲二道一由齊門撞馬頭而北轉掠澣墅

長洲五都地一由胥門木瀆而南轉掠吳縣橫鎮蔓延常
熟江陰無錫之境出入太湖無能阻者秋七月倭賊流劫
至南京犯江寧鎮抵板橋指揮朱襄率數百人拒之敗死
賊遂由安德鳳臺夾岡各門趨秣陵關守關將士望風奔
潰賊乃過關轉掠溧水溧陽宜興無錫至澣墅關一晝夜
行一百八十里南直巡撫曹邦輔會各路兵四面蹙之盡
殲其眾于太湖之楊家橋其眾僅六七十人云自後倭擾
浙閩江蘇賊勢漸衰官兵亦時時奏捷三十八年夏四月
江北倭趨通州進據白浦兵備副使劉景韶擊之于丁堰
如臯海門三戰三捷又以火攻其老營焚死無算賊逸入

潘家莊盡銳攻之殺獲殆盡廟灣倭合眾攻淮安參將曹克新禦之戰于姚家蕩大敗之賊退入廟灣拒守其別屯在印莊者劉景韶督兵擊走之明日復戰于新州賊遁入民莊縱焚之無一人脫者時江北流倭悉殄惟廟灣恃險不出總督李遂欲持久困之通政唐順之自出挑戰終不能克劉景韶督卒填濠逼壘而陣令水軍載葦焚其舟餘倭無幾不復能戰乃舍廟灣開洋而去 思宗崇禎九年流賊張獻忠陷和州應天巡撫張國維使守備陳于王守六合蔣若來守江浦若來急入與知縣李維樾登陴拒賊縋下搏鬥矢著于頰左臂傷裹血還戰賊乃退六合無

城若來與于王掎角捍賊二縣以全十年春賊復攻六合游擊常忠扼龍津浮橋賊不得南行遂去十七年春三月闖賊陷京師各省徧設偽官制將軍董學禮襲據宿遷與防禦使武愨置酒高會遣兵衛送至徐州舉人閻爾梅碎牒大罵愨下之獄漕運總督路振飛聞之夏五月命鹽城守備王某復宿遷淮坊義士縛武愨獻諸南郡南郡既設四鎮高傑黃得功劉澤清皆欲駐揚州稍稍以兵相爭朝廷患之六月以萬元吉監江北軍勢始微戢而高傑猶頓兵城下不去巡撫黃家瑞兵備道馬鳴騶帥士民晝夜固守有進士鄭元勳者慮城終難全親詣傑營遊說傑

大喜款待甚厚具陳寄居維揚無他意許退兵五里外會
城中人殺其游騎傑怒復肆剽掠元勳議于撫道前以揚
人先殺起鬻爲詞眾大呼曰元勳與高反賣吾城捧其首
而鬻割之傑聞攻城益急詔命史可法往解傑素憚可法
趣其下宵取暴骨埋之可法旣至責其擅兵之罪要以立
功自贖令傑兵移駐瓜洲而開幕府于揚州以控制之然
可法威望亦稍損矣時劉澤清亦大掠淮上可法按部至
鎮乃斂兵聽命視傑加謹焉黃得功者忠勇將也本鎮廬
州可法慮傑跋扈移得功于儀真相牽制傑故忌之深秋
九月登萊總兵黃蜚與得功同姓稱兄弟道出維揚乞兵

爲護得功自率輕騎三百出高郵以迎傑疑其圖已乃伏
精卒中遁邀擊之而別遣千人間道襲儀真得功至土橋
下馬作食伏兵猝起得功出不意亟舉鞭上馬而飛矢雨
集射中所乘馬踣騰上他馬逸去有驍騎十人舞稍直前
得功大呼反鬥人馬辟易發腰間所餘七矢殪七人矢盡
揮長刀復殪其三跳入頽垣中哮聲如雷追騎不敢逼乃
及大軍以免唯從行三百騎皆沒傑所遣千人襲儀真者
夜至城外守將邱鉞馬岱令士卒休動置萬炬以疑之傑
兵不敢進望有火處礮矢齊發及明火藥俱盡鉞岱乃開
門出擊無一人脫者得功還聞知益大怒誓與傑決死戰

可法與監紀應廷吉曲意調解之合僕僮所損失之費並
爲得功母喪致賻千金憾始稍平旣而聞清兵南下傑遂
有徐州防河之行焉 十二月甲午清兵取海州豐沛二
縣皆降乙未攻邳州推官沈冷之率眾固守丙申史可法
遣兵復宿遷進援邳州清兵解圍去時豐沛大盜程繼孔
在徐州梧桐山糾眾剽掠潛通清兵高傑至率其黨六人
迎降傑置酒以待于席間斬之其眾遂散孝安帝弘光元
年夏四月清兵取碭山入徐州總兵李成棟遁高傑在睢
州爲總兵許定國所殺其兵棄汎奔瓜洲掠民舟欲渡江
總兵鄭鴻逵擊之于江中不得濟遂降于清辛未清豫王

多鐸督兵圍揚州建極殿大學士史可法竭力固守檄各鎮赴援無一至者豫王屢致書招諭不答因以紅夷礮攻城鉛彈大者如疊堞墮不能修以大袋沈泥填之相持七日忽報黃蜚援兵到開門迎入則反戈殺人始知爲清兵所紿巨礮摧西北隅崩聲如雷城遂陷可法自刎不殊眾兵擁之下城見豫王不屈而死王下令縱掠十日官民皆被屠戮無得免者己丑清兵自瓜洲結大筏然燈燭施號礮亂流而下南岸發礮擊之不得上乃潛師從坎壘橋狹流輕舟飛渡庚寅大隊繼進敗援兵于甘露寺遂取鎮江甲午清兵自丹陽趣句容乙未夜至郊壇門福王已出奔

沂城伯趙之龍大學士王鐸等迎降丙申豫王入南京後
設駐防八旗營于江寧以鎮之

清世祖順治二年

卽弘光元年

夏六月大兵取蘇州明總兵張士

儀張鵬翼等奉義陽王某以舟師駐崇明沙吳縣生員陸
世鑰沈自炳沈自駟起兵太湖職方主事吳易舉人孫兆
奎起兵長白蕩吳淞提督吳志葵合陸世鑰吳易兵薄蘇
州前鋒魯之璵領三百人斬胥門入縱火焚公署居民號
呼相應清巡撫土國寶以騎兵千餘屯城東南隅伺外兵
稍懈突出馳擊之魯之璵戰死三百人殲焉城外兵皆爭
赴船遁走 大兵取常熟明總兵何沂走生員項志寧等

死之 明中書舍人盧象觀與宗室朱盛瀝起兵句容之
茅山以象昇故將陳坦公爲先鋒謀攻南京有朱君兆者
奇士也獻計曰南京雄深未易拔況北兵四面萃我敗道
也盍謀內應者乎城中之豪素與君兆習願爲公先入定
期以火爲應已遣僧詣君兆約期僧乃叩清營告變以火
誑之象觀兵薄太平門騎兵突出衝擊象觀駭敗盛瀝匿
水竇中復與象觀至宜興收士卒攻溧陽又敗遂亡入太
湖 閏六月辛巳朔江陰諸生許用德等不從薙髮令倡
議城守遠近應者數萬人推新典史陳明遇爲主囚知縣
方亨以邵康公爲將前都司周瑞龍泊江口爲掎角徽商

程璧出家財充餉而身乞師于總兵吳志葵志葵至璧遂
不反康公與清兵戰不利瑞龍水軍亦敗勢危甚明遇謂
眾曰吾不如閻公智勇可屬大事閻公者前任典史閻應
元也時寓江陰之砂山乃遣騎迎之應元率家丁十四人
夜馳入城料尺籍治樓櫓戶出一男子登陴餘丁傳餐大
兵負船及棺木牛皮攻城城上礮石碎之一人駕雲梯上
城上槍刺之其人口納槍躍而上童子捉而斬之自大兵
南下若破竹守土官非降卽走間有拒守攻之輒拔遲亦
旬日耳及至江陰多所殺傷相與駭愕於是薄城下者兵
十萬營數百圍十重依山爲壘俯瞰城中城中晝發矢石

夜縋壯士下順風縱火軍亂自相蹂踐死傷萬計乃移營去數里外時江陰諸生黃毓祺徐趨聞城中舉義亦起兵行塘以爲應援其諸生起兵不克而死者又有無錫顧杲常州張龍文也 庚寅安撫官至松江指揮常某括民財物衆怒殺指揮推明兵部右侍郎沈猶龍起兵兵科給事中陳子龍設太祖高皇帝像誓衆稱監軍偕中書舍人李待問羅源知縣章簡募壯士數千城守與吳志葵黃蜚相犄角 降將李成棟兵駐吳松恣行淫掠嘉定民憤甚揭竿起有誤傳吳志葵以兵來者民氣益壯燬東關外成棟將梁得勝舟斬八十四人成棟大懼選驍騎四十告急于

婁東大營鄉兵截殺之成棟攻羅店鎮諸生唐景耀唐培
朱霞俱遇害進士黃淳耀與眾謀曰今勢成騎虎無主必
亂乃迎明左通政侯峒曾于郊居己亥峒曾至與舉人張
錫眉教諭龔用罔諸生馬元調夏雲蛟唐全昌等分門固
守邑人縛袴執刀相從人情頗奮 太倉諸生王湛明相
錫爵之裔也薙髮令下慷慨語其兄淳曰弟誓與髮同存
亡也集里人陳說大義從者數百人淳湛與其友蔡仲昭
魏虎臣橫刀前驅圍本州城官吏登埤笑曰此烏合耳何
能爲礮擊之眾皆伏地不能傷訝曰此知兵者遂傳令禁
舉火以虞內變三日突烟不起人聲寂然眾謂其怯板扉

遮矢石薄城呼噪時暑甚單衣揮汗自辰至未飢且疲解
衣少憩守者驟開門以十二騎突馳之遂大潰淳赴水死
湛被砍與仲昭虎臣皆戰亡 嘉定鄉兵本無將領一聚
卽鳥獸散城上白旂招颺而已李成棟覘得實合婁東兵
大修戰具吳志葵遣游擊蔡祥以七百人來援成棟銜枚
襲之祥持鐵簡登岸步戰圍數匝與東關勇士徐福俱死
侯峒曾黃淳耀于城上見之痛哭相向發大礮傷二人成
棟焚新涇鎮破婁塘峒曾淳耀會鄉兵于磚橋東不下十
餘萬擁擠紛呶成棟分左右翼蹂之相踏藉死或謂大勢
已去宜爲十萬生靈計峒曾等推案痛哭裂招降榜焚沿

城民居督運磚石秋七月成棟盡銳來攻昇板扉穴城諸生馬元調以糞汁灰瓶拋灌之成棟乃佯攻東門而潛自北門水竇入復爲大石所拒不能克是夕大雨如注守陴者不能立城大崩成棟薄東門上衆遂散峒曾趨歸拜家廟沈于池未絕而兵至引出斬之淳耀與弟淵耀入草菴分左右就縊死張錫眉龔用圓馬元調夏變蛟唐全昌皆同死合城老幼屠殺一空武舉馮嘉猷署吳松總兵其營把總吳之蕃憤甚起兵欲復州城至吳項橋登岸嘉猷遣人焚其舟之蕃衆多烏合見火起遂潰殺數人不能定挺槍欲赴門居民汪三者誘與同行推墮水中擒之獻諸嘉

獸之蕃大罵遂被殺於是成棟之師乃專注于松江焉
八月大兵克松江先是明提督吳志葵自海入江總兵黃
蜚亦擁舟千艘由無錫來會共結水寨放泖湖與城中相
應適李成棟以王師至輕舟截春申浦大戰乘風縱火烟
焰蔽天二將舟重不能運水師多死降紳董廷對以內應
事洩郡人磔之會有假黃蜚兵號者突至沈猶龍開門納
之有紅巾抹首隨之入俄而巾脫皆髮辮也衆驚呼曰城
破矣守兵皆潰猶龍出東門中流矢死李待問死于織染
局章簡守南門亦不屈死紳民殉難者甚衆松江旣破
李成棟率所部十四萬至江陰驅降將吳志葵黃蜚陳說

利害閭應元罵曰敗軍之將被擒不速死奚喋喋爲會中
秋給軍民賞月錢分曹攜具登城痛飲許用德製樂府五
更轉曲使善謳者曼聲歌之其音悽婉北兵聞之皆泣下
旣知城中無降意攻益急礮聲徹晝夜辛丑大雨城崩應
元巷戰所當披靡投水不死遂被執見貝勒不屈死陳明
遇被殺握刀不仆官民無一人降者凡攻守八十一日大
兵死傷七萬五千有奇 是月大兵克金山衛明指揮侯
承祖死之 盧象觀陳坦公在太湖與大兵戰敗死 總
兵李遇春率兵五十四艘自平望至白龍橋列陣三十里
明吳易孫兆奎破走之已而提督吳勝兆攻敗盧象觀等

引兵來會八面環攻時陰雨連旬舉礮礮不震持弓弓弦
解兆奎往來督戰自寅至午王師益衆易兵內潰自相殺
易與驍騎數人突圍南走沈自炳自駟等皆戰死兆奎被
執至江寧斬之太湖中山寨漸靖 明魏國公徐弘基謀
起兵于吳江不克死之 淮安人王翹林繆鼎吉繆鼎言
等奉明新昌王起兵雲台山復鹽城興化二縣戰敗鼎吉
鼎言死之新昌王亦被殺于淮南 江寧土賊王聘徵嘯
聚于赭山副將彭永琦擒斬之 冬十月吳漢超等自稱
義軍連克溧水句容高淳等縣尋敗退 三年秋九月明
無錫生員王謀起兵謀復常州敗死 八年秋七月明將

軍張名振奉魯王以舟師搗吳松不克而退既失舟山收
合餘燼往依朱成功于閩海十年春請兵北上成功與以
眾二萬糧三艘號召舊旅駛入長江破京口駐營崇明平
陽沙者崇明之一隅也冬十二月清駐防兵萬餘馬三百
匹乘凍涉江入屯其上名振鼓眾迎之浴日將軍王善良
挺矛當先姚志倬等以三百人衝其左張煌言等以三百
人突其右官兵大敗無一返者十一年春正月名振以海
船數百溯流而上再入長江掠儀真至觀音門還登金山
望祭孝陵越二日掠輜重東下夏四月復上鎮江焚小閘
至儀真索鹽商助餉不得燒六百艘而去十六年夏五

月明延平王朱成功以海上之師大舉犯長江戊寅抵崇明總兵梁化鳳歛兵堅守成功欲順風取瓜洲張煌言曰崇明爲江海門戶先定之以爲老營脫有疏虞進退可據成功曰崇明城小而堅取之必淹日月今先據瓜洲截其糧道心腹潰則支體隨之崇明可不攻而破也乃以煌言爲前軍鄉導己卯經江陰舟楫蔽江而上六月丁酉至丹徒壬寅泊焦山下官軍于江之上流設木城編大筏而置礮焉乘風浮下船遇之立碎又于金焦二山間設鐵鎖斷道謂之滾江龍都司羅明昇以五百人守譚家洲成功令右提督馬信等奪洲自督親軍建大將旗鼓直搗瓜洲清

操江朱衣佐城守左雲龍率兵一萬拒之見海舟外蒙白
絮揚帆直上近滾江龍則復下官軍礮擊之不能傷循環
者數次而滾江龍已斷蓋海舟內藏泗水人且以誘敵盡
其礮矢也已而麾兵大進右武衛統領周全斌率兵士浮
渡登岸身中五矢氣益奮斬雲龍于橋下并擒衣佐正兵
鎮韓英奪門登城樹幟于上全斌望見之陷西北隅以入
遂取瓜洲成功以左鎮劉猷留守之悉師以趣鎮江守將
告急于南京將軍羅某以鐵騎千人赴援戰敗退保銀山
成功令陳魁統鐵人軍逼柵而陣守兵駭退遂拔之辛亥
海師整隊而進提督管效忠身衝其陣入之而陣變首尾

相應效忠自負旗而走遂大敗
十人走入南京鎮江知府戴司
士于京峴山命李徵知鎮江
將彭某引兵還六合士民拒
部職方司武生王寅生等執
煌言至蕪湖高淳溧水各縣
以黃安督水師守三汊河口
子山令諸舟一字列江東門
壘合馬信黃昭蕭拱宸營于
魏雄之壘令陳鵬藍衍蔡祿

應楊正劉國軒屯西北角傍山爲營又合張英陳堯策林
習山屯岳廬山連諸宿鎮爲白土山大營護衛設鹿角望
樓深溝木柵而留甘輝余新屯獅子山萬禮楊祖屯第二
大橋山翁天祐屯儀鳳門之要路乙亥官軍以千騎薄余
新營而敗城中益懼操江朱衣佐自敵營逃歸言于總督
郎廷佐曰海賊衆不過數萬船不過數百請卑詞寬限以
驕其志乃遣人說成功曰我朝有例守城過三十日罪不
及妻孥請待期而納款成功恃其累捷許之但令八十三
營牽連困守以俟其降釋戈開宴縱酒捕魚爲樂庚辰有
聞人林某來言二十三日爲成功生辰諸將卸甲飲酒乘

之可破且請爲導會梁化鳳自崇明繞道入援與城守事
聞之夜穴神策門引五百騎突犯余新營海師出不意驚
潰新敗入蕭拱宸營化鳳乘之拱宸亦敗遁新被擒翁天
祐馳救之而化鳳已收兵入城矣官軍旣勝乃盡出騎兵
列城外成功調姚國泰楊正楊祖藍衍屯山上甘輝張英
伏谷內林勝陳魁列山下陳鵬蔡祿往來接應倉卒移帳
壘竈未安壬午質明化鳳率驍騎薄楊祖營祖奮力迎戰
三合三卻正與國泰敗走藍衍戰死山高行遲陳鵬蔡祿
救之不及化鳳已從山上馳下突之鵬祿軍亦大潰郎廷
佐登城望見都統哈哈木兵少卻大驚急麾勁騎自小東

門出成功大營之後俄見山上旗喜曰吾軍上山勝矣兩軍既合海師營壘咸搖動望山上成功麾蓋不敢退未奉號令亦不敢相救林勝昨謂中協金岸領兵康龍曰敵人雖勝實無多騎藩王之不發號令而齊進者謬也爾二人擊之吾爲爾援焉二人方敵化鳳而東門騎兵驟至如風雨勝轉頭禦之而魏雄戰死勝不能止遂俱沒成功在山觀戰見蔡祿等敗屬潘庚鍾曰爾立蓋下代吾指麾吾往催水軍也駕船至江心望諸軍披靡不堪乃飛帆去庚鍾揮劍督護衛戰至死不去其蓋陳魁見官軍逼成功營趨救之中矢死鐵人軍殲焉時甘輝張英在谷內未得號

令遂大困英中矢死輝且戰且走馬躡被獲至城內金水橋大罵不絕口遂遇害萬禮力戰于大橋山亦覆沒癸未成功至鎮江黃安全隊守京口者亦至成功大慟曰是我欺敵非爾等之罪也遂棄瓜鎮出泊排沙嶼令馬信韓英督舟師堵江口周全斌黃昭吳豪爲後殿餘兵次第登舟而去捷聞化鳳擢江南提督設泰厲壇于白土山云 道光二十一年英夷以禁鴉片事侵擾海疆兩江總督牛鑑駐上海江南提督陳化成守吳松礮臺以防之二十二年夏四月英舟排陣而入化成令開礮擊沈其火藥巨艦一又中其頭桅兵船三英舟稍卻其酋自檣頭瞭見制府乘

輿在教場乃以飛礮注擊之左右從兵驚潰牛鑑棄冠服
雜軍校而走英兵遂由東礮臺登岸繞而西守備韋印福
力戰死化成見大勢不支頓足歎曰垂成之功敗于一旦
制使殺我矣亦中鉛子傷嘔血死英兵乘勝陷寶山官兵
居民逃亡一空惟壽春總兵尤渤統兵二千守松江英兵
自上海進攻不克而退六月英夷欲由海入江先駕杉板
小舟擾及無錫之邊界與江陰靖江等縣鄉民逐之去遂
自福山駛入游奕于圖山關外圖山江面極隘眾請于兩
岸設防中流沈舟以阻之常鎮道周頊不從英兵乃乘潮
而上悉抵鎮江城外參贊大臣齊慎率眾退屯新豐知府

祥麟以下棄城走英兵登岸副都統海齡入守駐防城力不能支自焚死英兵遂屠其城是月之末英酋濮鼎查馬利遜率大隊泝江上犯金陵自觀音門至龍江關連檣不絕城中大小戶皆徙寂無人烟秋七月辛亥英人占居上元縣丞署掠邁皋橋丙辰將軍音德布總督牛鑑遣洋商顏柳等往犒師因與之言和布政使黃恩彤親至其舟撫之辛酉英人輸平燕欽差大臣耆英伊里布諸貴官于其舟旋即靜海寺行答拜禮丁卯濮鼎查馬利遜入城謝因游正覺報恩諸寺庚午立和約乙亥洋船起碇去明日出海口揚帆歸其國咸豐元年廣西寇洪秀全楊秀清等

起竄擾湖湘攻陷武漢三年春正月雨江總督陸建瀛自
湖北之龍坪敗歸賊隨之而下壬申焚板橋癸酉掠江寧
鎮轉至南門環城築壘二十四其船自新洲大勝關至七
里洲水陸號百萬晝夜進攻布政使郝宿藻力疾巡城感
憤嘔血死賊以礮夫穴地理火藥二月乙酉儀鳳門地雷
發城崩賊千人驟登而穴內埋地雷二須臾又發登者皆
斃官軍爭割耳獻功別股已由三山門矮城駕梯入大城
遂陷陸建瀛奔內城旗兵怨其引賊入境殺之于小教場
將軍祥厚副都統霍隆武帥駐防兵守內城二日城陷皆
巷戰死婦孺被屠無子遺者賊遂以金陵爲天京建國號

曰太平天國

从俗國字

改總督署爲宮遣林鳳祥羅大綱分徇

鎮江揚州陷之丙申欽差大臣向榮大軍自安慶追至繞道東抵朝陽門壁孝陵衛庚子克城外土城賊衆四五千來爭甲辰榮身自督戰擊卻之乃逼城而營三月庚戌克通濟門外三壘乙卯襲破七寶橋丁巳已乘霧奪鍾山環城築十八壘號江南大營當是時都統琦善以京兵及黑龍江馬隊圍攻揚州號江北大營夏四月揚州賊襲據浦口壬子犯六合知縣溫紹原率民團禦之于龍池不勝武舉達成榮等戰死賊進踞南關夜半火起賊駭爲神大亂團勇縱擊燔殺數千人餘賊走金陵五月刑部侍郎雷以

誠以募勇至與琦軍會攻揚州礮擊城圯總兵雙來越濠先登賊以火燒附城板道官軍登者不能驟下傷亡頗眾雙來折二齒城竟不克六月丙戌鎮江賊與官軍戰北固山下賊伏起環城七營皆陷提督鄧紹良退守丹陽戊子賊大掠丹徒鎮常州戒嚴總兵和春扼徒陽運河賊不得南辛酉江北軍造樓船攻揚州不克雙來陣亡壬戌瓜洲浦口賊合攻三汊河侍衛都興阿擊走之秋八月廣匪作亂攻陷上海江蘇巡撫許乃釗往討以虎嵩林爲大將分南營兵而行冬十一月向榮遣軍圍鎮江楊秀清命賊渡高淳湖窺東壩冀解鎮江圍榮遣鄧紹良拒卻之秀清又

以揚州圍急命賴漢英率眾北渡合儀徵賊往援江北軍
郤之丁卯賊復由三汊河趣揚城圍師多潰城賊曾立昌
突圍出與賴漢英合走瓜洲揚州復江北軍遂取儀徵時
江寧廩生張繼庚謀于太平水西諸門翻城應外兵賊酋
有受約束者自九月至是月凡七上書向營又縋城詣營
泣請師期終以雨雪失約謀泄賊捕繼庚拷掠之四年春
二月江北軍擊賊瓜洲敗績總兵瞿騰龍戰死了亥琅邪
鄉練總薛如松等敗賊于龍潭是月賊犯浦口總兵武慶
會六合兵拒郤之六合知縣溫紹原又自敗賊于通江集
三月江寧義民宛正龍張士義等以張繼庚前約引官兵

十餘人易服入城與繼庚所結死士伏神策門側癸亥夜士義等登城斬守城賊擲頭城下呼官兵官兵未卽進天已曙賊四集捕得士義等與繼庚並磔之秋七月蕪湖賊襲東壩副將傅振邦迎擊大敗之遂乘勝克高淳先是許乃釗攻上海久不拔詔奪官以吉爾猶阿代爲巡撫領其軍閏七月鎮江援賊與城賊約攻大營向榮自將駐上方門指揮諸軍敗之他股由雨花臺洪武門襲七甕橋營亦爲將軍蘇布通阿擊退是月琦善卒于揚州詔托明阿爲欽差大臣代統其軍未至瓜洲賊撲大營提督陳金綬擊卻之冬十月江北軍攻浦口向榮遣兵會之癸卯副將李

德麟等由金湯門進搗其巢金陵賊飛檄來援戰方酣南軍師船已破浪至衝擊走之於是江南大營自東而南雨花臺石壘盡下遂逼南門而營賊不敢出通濟門矣五年春正月乙丑朔吉軍克上海移師圍鎮江二月壬寅鎮江賊黨踞高資擾及句容提督余萬清虎嵩林往來拒戰壬戌向軍遣德安往助擊沈其船無算三月瓜洲賊合金山北固諸寇西犯江浦托軍設伏九洑洲旁與江南軍破賊于七里洲夏四月乙巳賊旁走江寧鎮乙酉水師副將吳全美以紅單船掃盪沿江賊壘江路始通賊久踞鎮江瓜洲爲金陵犄角吉爾杭阿余萬清屯鎮江城外各自爲軍

余屯京峴山吉屯九華山復于黃鵠山金雞嶺築壘以瞰賊冬十一月官軍掘地道轟城火發不能克托軍築長圍于瓜洲北賊水陸來爭拒卻之楊秀清聞瓜洲急遣黨往援而以悍寇自龍廣山出大營後向榮遣張國樑自仙鶴門甘家巷進攻遇賊大至黑龍江馬隊抄其外賊返奔斬千數百人他賊潛由東陽至棲霞街大肆焚掠國樑馳騎救之敗諸石埠橋追至觀音門而止知府溫紹原攻九洲克之旋以無守兵棄去六年春正月瓜洲賊屢犯圍師不得出楊秀清遣其黨聚倉頭以爲聲援張國樑擊敗之二月秀清撥大隊會瓜鎮賊共犯揚州防軍潰托明阿遁

走三月戊午朔揚州陷知府世焜死之賊將由萬福橋窺
裏下河布政使文煜拒郤之都統德興阿接統北軍庚午
復揚州賊分股掠浦口趣六合張國樑北渡屯龍池以待
之賊至縱擊大捷追至水家灣適溫紹原自六合來兩軍
夾攻大敗之復敗之于葛塘乙亥克浦口庚辰取江浦是
月巡撫吉爾杭阿移軍高資絕鎮城運道楊秀清遣悍黨
數萬出句容合鎮江賊圍烟墩山知府劉存厚營諸將皆
閉壁自保吉爾杭阿獨馳入其營登高瞭賊中礮死存厚
殉焉向營聞信遣張國樑馳救五月辛未戰于丁卯橋勝
之連戰皆捷諸將偵國樑至倚以自壯余萬清等自徒陽

運河李鴻勳自丹徒鎮福興馬隊自京峴山來會師國樑
四面兜擊賊回走九華山乘夜襲之皆棄營遁游擊張玉
良亦捷于東陽甘家巷於是援賊皆返金陵是夏旱荒糧
乏楊秀清謀覆江南大營密約鎮江賊自東而西拊官軍
背城賊自西而東與相應溧水等處之賊橫截旁出而自
率悍黨由鍾山撲七甕橋向張併力掩殺賊稍卻忽大營
同時火起守兵皆散戰士倉卒亦潰國樑獨以身翼榮出
由淳化退守丹陽諸軍復集賊自後踵至環城外築壘殆
徧六月國樑與謀曰賊新勝氣驕又以主帥病篤而懈擊
之必大克也眾皆諾乃遣張玉良虎坤元先攻五里牌燒

其寨柵渡河至黃莊橋攻克礮臺秦如虎自定埠南渡截賊衝虎嵩林明安泰爲伏軍國樑自將撲賊營縱火鏖戰大破之遂奪和定橋攻鳳皇岡追賊至黃土橋丹陽城外賊壘悉平國樑遂拜總統諸軍之命秋七月欽差大臣向榮卒于軍詔江南提督和春代之羣賊走金壇虎嵩林率眾窮追八月傅振邦克東壩取高淳國樑自將克寶堰黃茅莊進屯句容賊之踞金陵也洪秀全深居天王府日事淫樂諸酋罕得見軍事皆決于楊秀清北王韋昌暉翼王石達開雖同起草澤比于偏裨奉令惟謹及向營敗退秀清自以爲大功陰謀僭立秀全乃召昌暉密圖之一日秀

清召昌暉飲昌暉戒備以往卽席刺殺之以東王謀反令于眾并殲其黨於時石達開在湖北聞亂趣歸頗誦讓昌暉昌暉將併殺達開達開縋城走昌暉悉殺其妻子秀全乃大恐陰約東府餘黨于城外共攻昌暉昌暉逸獲而磔之甘言召達開回將使輔政如秀清故事而意實疏忌之達開危懼不自安還走安慶不復歸於是始起諸酋畧盡矣九月壬戌張國樑奪近關橋甲戌敗賊吉利村遂薄溧水急攻之七年春二月江北軍富明阿敗賊于瓜洲和軍攻溧水擊援賊于鄔山大破之夏五月克其縣城閏五月張國樑克句容秋九月鎮江賊出甘露寺犯官軍營張國

樑赴援增壘扼高資絕賊糧賊亦扼運糧河北築壘相拒
國樑遣將毀其礮臺自率親軍與虎嵩林馮子材等水陸
會攻冬十月連克賊壘十七進圍鎮江十一月己丑克之
是日江北軍亦取瓜洲十二月鎮江敗賊退據秣陵關八
年春正月虎坤元李若珠出黃泥菴攻之坤元中飛礮死
若珠力戰不退奪門以入遂克秣陵賊眾殲焉三月戊寅
張國樑進克七甕橋總兵戴文英會攻雨花臺印子山復
大破之諸將始逼南門而軍夏五月賊出太平神策門犯
大營張玉良馮子材等踴躍陷陣搦其大旗賊敗走遂攻
金川門毀城東北柵壘畧盡於是和春張國樑定計築長

壕困之洪酋誠各門嚴守禦潛結壘于綬帶洲悉銳出突
長圍國樑乃令東北圍師分攻太平金川門西南圍師擣
雨花臺自七里洲至綬帶洲則令賴鎮海艇師擊破之國
樑策馬爲諸軍先踰溝燒賊營賊潰入城不敢再出秋八
月僞英王陳玉成自皖來越江浦撲浦口壬戌江北大營
陷江浦儀徵皆不守賊分黨犯六合玉成自攻揚州富明
阿簷起綸戰西門不利乙亥揚州復陷德興阿走邵伯扼
北路賊焚掠西北山至黃珏橋張國樑聞報渡江援之累
戰皆大捷自夜嚮晨城不及掩丁亥克揚州戊子移攻儀
徵克之賊圍六合急溫紹原誓死固守而賊來益衆北軍

既潰外援絕張國樑已克揚州則
板橋敗之賊聞張軍且至益穴地
紹原率妻子赴水死之是日皖賊
戰死張玉良自祿口進援攻克紅
水總統張國樑敗竄賊于高古山
陸郎橋龍磨山賊壘悉平九年春
降和軍合降將李世忠受之用其
國樑敗賊于九洑洲平附洲賊壘
不復置帥以江南大營兼轄自此
合之東南圍攻縣城冬十月賊出

遣馮子材渡江救之復大挫若珠潰圍出屯揚州西賊乘
勝陷浦口提督周天培戰死十一月張國樑自將救江浦
克北山新卡進攻城南各壘平之復蹙之于磨盤洲求雨
山陳家集十年春正月由浦口進攻九洑洲踰重壕火其
穴賊自相蹂死者數千乙亥克之己卯回軍收浦口渡江
而南綬帶洲賊秦禮國七里洲賊謝茂廷皆來降熊天喜
由七里洲克下關秦禮國從綬帶洲內擊劉季三應之上
關亦克餘賊遁還江東門三月杭州竄賊由建平襲東壩
陷高淳徇溧陽圍金壇剽銳不可當壬辰偽侍王李世賢
陷溧水總兵魯占鰲戰死偽忠王李秀成自溧陽犯赤山

湖閩三月丁酉陷句容於是溧水賊犯秣陵關句容賊犯淳化鎮與江北援賊十道並進城賊復日夜攻大營張國樑苦戰八晝夜賊勢益增將士以餉爲和春所減又不時給心皆攜貳遂私布傳單已酉天大雷雨酷寒一夕之間各營火起自相驚潰和春倉皇走與國樑軍同抵丹陽賊衆踵至國樑力戰重傷躍馬投尹公橋下河水死丹陽遂陷和春走常州賊躡之復走至蘇州之許墅嘔血死夏四月戊辰常州陷賊由九龍山犯無錫敗張玉良兵于高橋丁丑入蘇州巡撫徐有壬死之由是松江太倉諸城皆淪于賊唯將軍巴棟阿提督馮子材守鎮江巡撫以下皆駐

上海而已。清江爲河漕交會之區繁富亞于維揚久爲
皖豫捻賊所垂涎咸豐十年春河道總督庚長以生辰演
戲突報捻酋大隊至官吏踉蹌走入淮安城市廛大被焚
掠屯將陳國瑞率兵至賊轉入阜寧追之至湖灘見黃沙
蔽地若平陸然萬馬奔馳皆陷入泥淖中國瑞盡擒斬之
上海爲通商口岸四人設市建樓瓌貨山積恃火器以
爲衛蘇松太道吳煦素習英法諸酋乃以重金募印度兵
洋將華爾領之已而印度兵罷募華人練習洋鎗號常勝
軍侍郎龐鍾璐倡民團守常熟其他江陰鎮洋鄉民亦間
出逐賊皆以無援而致敗蘇常旣陷之秋七月賊大舉圍

上海巡撫薛煥及吳煦率所部會洋兵擊卻之冬十月上
海兵敗賊于金山衛咸豐十年十一月蘇州賊犯寶山守
將姜德拒卻之十一年春二月青浦賊掠廣福林參將李
恒嵩會曾秉忠水師卻之夏五月蘇州賊援青浦恒嵩移
簞山鳳凰山營退屯塘橋嘉定賊陷大場華漕諸營進逼
上海參將梁勝章然巨礮轟走之秋八月楚師克安慶龐
鍾璐等乞師于總督曾國藩國藩使延建道李鴻章謀蘇
州繞赴上海江蘇布政使曾國荃浮江東下直趣金陵召
募訓練期以明年冬十一月上海官紳與夷酋設會防局
同治元年春正月偽守王方海宗攻鎮江馮子材戰不利

總兵富陞中礮死揚州帥都興阿援不勝相持一日賊旋退去是月奉賢賊犯吳松口法國輪船礮擊之退踞天馬山陳坊橋李恒嵩攻破其壘賊走青浦而浦東大股不退華爾約英法兵列陣海濱自率米利堅人敗賊于高橋上海解嚴二月華爾攻克蕭塘三月庚寅江蘇巡撫李鴻章率陸師五千五百人發安慶由輪船徑過賊境壬辰抵上海營于城南遂會華爾李恒嵩兵復嘉定青浦留西兵與常勝軍守之英提督何伯請鴻章會攻浦東廳縣鴻章乃以程學啟劉銘傳潘鼎新郭松林將湘淮人攻南匯號北路軍而英法兵自松江進金山衛號南路軍辛未常勝

軍會夷兵克奉賢壬申克柘林李秀成自將救太倉知府
李慶琛兵潰死之賊悉銳攻嘉定夷酋挾眾棄城走賊益
趨青浦松江攻泗濱守軍皆潰夏五月甲申鴻章急檄程
學啟由浦東還扼虹橋丁亥學啟敗賊于漕河涇戊子擊
破泗濱援賊進營新橋涇劉銘傳潘鼎新復南匯川沙浦
東漸定賊圍松江久華爾李恒嵩分門要擊賊頗創乃棄
青浦城併兵來守壬寅悍寇數萬犯新橋圍程學啟營礮
擊寇尸填壕踐而登學啟乃開壁突擊寇駭卻鴻章自將
來救內外合擊寇大奔外國軍見其戰自以爲不如自此
上海湘淮軍始振是月曾國荃軍駐蕪湖盡掃沿江賊壘

壬午攻新林關守賊降癸未進克大勝關兵部侍郎彭玉
馨時在金桂關聞國荃懸軍深入慮有挫失乃調水師由
烈山駛入頭關甲申昧爽國荃軍亦至水陸合擊賊棄關
遁水師連克江心蒲包二洲進駐護城河口國荃乘勝驅
軍直逼雨花臺而營玉馨乘輕舸巡至龍江關知府曾貞
幹駐三汊河江東橋傍水築壘保西路糧道江北帥都興
阿遣師船渡江攻觀音門襲燕子磯破之皖軍李世忠自
六合來克龍潭皆爲楚軍聲援洪秀全屢遣兵攻雨花臺
壘俱大敗而還六月黃翼升率淮揚水師踰九洑洲浮江
至上海秋七月程學啟克青浦留兵與淮揚水師守之辛

丑僞慕王譚紹洸來犯水師敗之丙午攻北礮山營進至北新涇守將況文榜相持七晝夜賊分股掠法華鎮西距上海十餘里人心恟懼李鴻章飛檄諸將入援八月壬子夜程學啟間道先至七寶俄而郭松林周盛波諸將麇集奮力苦戰學啟往來督之賊始潰譚紹洸走野雞墩癸丑鴻章與學啟會師北新涇滕嗣武等已入況文榜營軍中見援兵至咸譁呼殺賊破十餘壘賊走吳松江北復爲水師所乘斃賊無算甲寅劉銘傳敗賊于徐家匯乙卯追之至南翔賊遁入嘉定滬防復靖江南軍中大疫至閏八月而未已於時蘇常賊來攻曾國荃營多發西夷火器相燒

擊復穴地襲屯壘連十晝夜不休九月浙江寇來助攻國
荃以三萬人居圍中城賊與援賊相環伺將士傷亡頗衆
已而疫氣稍退開壁出擊破堅壘十三而寇猶相持不下
凡歷四十六日度賊力疲乃大出諸將四面擊之羣賊遂
大奔金陵圍獅解嚴上海軍既克嘉定譚紹洸復糾眾由
太倉趨松滬犯四江口周盛波郭松林分左右迎擊敗之
于安亭李鴻章自將至黃渡督戰令劉銘傳當中路程學
啟當右路郭松林當左路併力掩殺賊解四江口圍走崑
山常勝軍亦破賊白鶴江黃翼升水師追至三江口燬其
浮橋石卡殆盡滬防三次解嚴賊自是不敢窺上海矣冬

十一月常熟賊駱國忠乞降游擊周興隆入其城十二月
與國忠攻福山白茆泔浦諸海口皆下之錢壽仁率二千
人出太倉詣上海歸誠李秀成率無錫江陰六七萬眾爭
常熟福山復陷黃翼升李恒嵩水陸軍往救皆不得達二
年春正月李鴻章以常熟急檄劉銘傳領三千人乘輪船
赴福山與黃翼升會師復令常勝軍往助二月甲午洋將
戈登駕小舟然炸礮連破賊壘遂克福山石城周興隆登
城見賊中火起知援軍得利乃開四門出戰福山水陸軍
亦至賊大奔常熟圍九十餘日而解李鶴章程學啟方攻
太倉賊酋蔡元隆詐降幾覆鶴章軍三月學啟會常勝軍

併力奮擊辛酉克太倉進攻崑山庚寅復之夏四月曾軍分六路進薄金陵攻聚寶山石城李臣典陳湜等舉旗直上毬箭星落敵樓火起賊奔救不及遂棄營而遁諸將乘勝猛攻於是城西南九壘皆下復築六新壘以輔之五月楊岳斌水師蕭慶衍陸師會于江北江浦浦口橋林賊皆不戰而遁國荃夜至新江與彭玉馨等覘九泐洲形勢度陸師難飛渡宜先清南岸諸隘乃可北伐丁巳遣丁泗濱等南從秦淮向下關喻俊明等北繞永安洲向草鞵夾彭楚漢等爲後應玉馨率水師據九泐上游牽賊勢岳斌自督戰縱火焚賊艦數百緣牆而登下關草鞵夾八壘皆克

乃移師中關襲燕子磯破之岳斌偵江濱有間道可達九
洑賊壕乃約國荃令陸師伏叢莽中從堤埂缺覓水而進
彭楚漢等師船夾洲上下丁泗濱攻南岸中關庚申兩岸
戰旗並舉人人殊死戰中關賊閉不出九洑賊伏洋鎗隊
于洲三面伺間出擊官軍精銳多傷亡自旦至夜傳餐而
戰競以火箭射賊舟風烈火猛延及洲上卡棚喻俊明等
麾軍直上成發翔彭楚漢從左右呼譟而登丁泗濱自南
岸鼓棹飛渡將士踐尸以進九洑洲竟破萬餘賊無一得
脫者癸亥國荃攻長干橋賊壘復大破之上海軍攻江陰
劉銘傳破寇屯二十七郭松林破寇屯三十五滕嗣武破

寇屯十三六月程學啟克吳江李鴻章分軍三道學啟由崑山進攻蘇州李鶴章由江陰進無錫淮揚水師輔之李朝斌由吳江進太湖潘鼎新等分屯松江上海常勝軍屯崑山爲前軍援與金陵圍師聲勢相倚鮑超駐神策門劉連捷駐太平門城賊出犯屢禦卻之秋七月壬子國荃攻克印子山進逼上方橋賊閉壁不出攻四十日始克之八月乙亥朔劉銘傳圍江陰寇內應燒門樓以迎官軍遂復其城金陵軍將謀合圍增募至四萬人丙戌攻克江東橋石壘分抄至漢西門眾壘皆下城東尙有數隘近城者曰中和橋曰雙橋門曰七寶橋稍遠者曰方山土山曰上方

門曰高橋門迤南則爲秣陵關以至於博望鎮亦金陵外
輔也九月國荃令蕭孚泗等扼雙橋門以東蕭慶衍進中
路與賊相持縱輕騎斷其歸路遂克上方門高橋門而右
路方山土山之賊亦棄壘奔於是七甕橋羣賊思遁蕭孚
泗李臣典東西並進縱火焚營賊冒烟突出棄壘狂奔官
軍乃由方山南進攻博望鎮克之己巳趙三元率衆南畧
秣陵至中和橋一戰而克其營秣陵賊見馬步驟至棄壘
逃自是鍾山西南無賊壘矣蘇州攻圍日急李秀成糾衆
回援程學啟戈登屢擊破之澣墅旣克虎邱楓橋賊皆遁
追之至閶門而還李鴻章親赴婁門督師秀成亦問道入

城助守冬十月壬辰鴻章督隊攻城秀成紹洸率萬人出
婁門拒戰學啟麾軍大進常勝軍肉薄先登長城石壘皆
破餘賊悉退入城於時水師將陳東友登陸破婁葑兩門
二十餘壘黃翼升況文榜擊賊齊門破之李朝斌張遇春
亦破盤門六壘官軍三面薄城紹洸猶率悍黨死守而鄒
雲官等有貳心密款于副將鄭國魁學啟戈登與見于城
北洋澄湖命斬秀成紹洸以獻雲官不忍殺秀成許圖紹
洸秀成微覺之乘夜出胥門由靈巖木瀆以逸丁酉紹洸
以事召雲官攜僞天將汪有爲往卽坐刺殺紹洸開齊門
迎降學啟令鄭國魁領千人入城戊戌獻紹洸首請驗學

啟撫視降眾精壯猶踰十萬羣酋方歛血誓生死乞學啟
白鴻章要總兵副將官署其眾爲二十營仍屯胥闔齊盤
四門雲官且未薙髮學啟密白鴻章恐不可制必誅之以
定眾鴻章漫應之己亥僞納王郅雲官比王伍貴文康王
汪安均寧王周文佳天將范起發張大洲汪瓌武汪有爲
出城謁鴻章鴻章先備二品冠服待之甫參謁鴻章遽入
帳後學啟麾伏眾出悉斬之入城諭眾誅拒命者二千餘
人餘皆帖服遂克蘇州是時金陵水師收高淳陸師克淳
化解溪龍都湖熟三岔鎮燬賊二十餘壘東南鄉漸次肅
清鮑超又會水師克東壩取溧水曾軍大營移駐孝陵衛

蘇州既定劉銘傳乘勝攻無錫十一月乙巳克之進窺常州李秀成由蘇出駐奔牛羣賊多從之十二月銘傳會李鶴章師並進大破其眾秀成領敗賊分布丹陽句容一帶自率數百騎入金陵助洪酋城守三年春正月曾國荃度賊糧將匱約楊岳斌水師巡江見奸民運米入城輒奪之又令朱洪章等繞鍾山後斷陸路運道調朱南桂移營城北路偵知賊酋李士貴赴句容護糧伏兵要之賊棄糧走國荃益銳意合圍癸亥周厯洪山白土山神策太平兩門李秀成自將出鍾山南攻朱洪章營洪章與武明良出壕夾擊沈鴻賓等出右路武文山等出左路戰良久殺數百

人賊退上山羅雨春擊巖而上中礮幾墜沈鴻賓繼至各挾毬火箭擲壘中賊突火逃遂克鍾山石壘賊所署爲天保城者也國荃命黃潤昌等戍之又遣蕭孚泗蕭慶衍出山北列隊太平門築三壘以王遠和等守之維時梁美材屯洪山朱南桂屯白土山寨神策門餘玄武湖阻水爲固於是曾軍增至五萬人金陵城圍始合賊糧絕矣丙寅蘇州軍克宜興二月癸酉溧陽反正寇走江陰圍常熟攻無錫李鶴章還軍救之賊始敗散三月壬寅鮑超克句容丙辰克金壇乙丑曾國荃攻金陵月圍破之月圍沓賊附城築垣以拒地道者也金陵城周百里國荃日令軍士鑿隧

道凡南門一穴朝陽門至鍾阜門三十三穴篝火而入地或崖崩窟塞則縱橫聚葬于其中賊乃築月圖穿穴以相拒時以毒烟沸湯入穴中軍士多死至是乃破其圍殲賊無數官軍傷亡亦三千人堅城可計日下矣是月李鴻章督軍圍常州府城西賊營猶二十里環列運河左右乃令劉銘傳攻其西北六壘郭松林等攻陳渡橋八壘張樹聲等攻河干諸壘盡破之於是賊西道皆絕已而炸礮壞城數十丈陳坤書以洋鎗抵城缺官軍與賊多傷死終不克夏四月鴻章合軍士傍河築長牆設浮橋劉銘傳攻北門戈登攻南門郭松林楊鼎勛應之劉士奇王永勝攻東南

隅張樹聲應之丙子水陸並進礮聲如雷烟燄撲城頭舊
壞城復傾數十丈賊以人塞缺口值炸礮則磚石旗械激
起天際然旋死旋集終不退鴻章益揮軍登城郭松林劉
士奇王永勝接刃戰城頭久之賊始潰僞護王陳坤書僞
列王費天將皆就擒棄械跪降者數萬人遂克常州壬申
馮子材以鎮江軍復丹陽劉銘傳進屯句容五月詔李鴻
章會攻金陵曾國荃以功成在卽恥借力于人激厲諸將
日夜進攻而太平門外龍廣山石壘賊所號爲地保城者
不得則形勢終不便乃督李祥和等發礮轟擊已巳克之
遂築礮臺于上俯瞰城中當礮所擊城堞皆圯因從礮密

處潛穴其下而積溼蒿藿沙土高與城等聲音將踐登以
疑賊六月天久不雨國荃露禱須臾龍見雨大至甲申地
道成國荃夜寢若有人促之驚起趨洞口呼守軍李秀成
果出襲營遣黨持火彈燒蘆蒿伍維祿彭毓橘分擊獲免
乙酉國荃令朱式雲草檄誡諸將懸賞募敢死士待城破
先入於是李臣典朱洪章伍維壽武明良譚國泰劉連
捷張詩日羅雨春沈鴻賓九人誓先登日午地道火發城
崩二十餘丈磚石雨落李臣典等蟻附爭登賊反然火藥
下燒官軍眾稍卻彭毓橘蕭孚泗手刃數人弁勇皆奮乘
城缺入朱洪章沈鴻賓羅雨春等攻中路在僞天府北

劉連捷譚國泰張詩日等攻右路循蠶坡趨神策門適朱
南桂等梯攻而入遂合取儀鳳門左路則彭毓橘由內城
至通濟門蕭孚泗等奪朝陽洪武門守陴賊誅殺殆盡而
羅逢元等從聚寶門入李金洲從通濟門入陳湜易良虎
從漢西水西門入李秀成方趨漢西門爲陳湜軍所阻還
走清涼山匿民房黃翼升水師攻奪中關乘勝至漢西門
與陳湜等合於是金陵九門皆破日已暝矣賊猶保子城
夜半自縱火焚僞王府因突圍走黃潤昌等露立龍廣山
袁大升等循城南遇逃賊要擊斬數百人張定魁等追賊
及之湖熟俘殺殆盡城賊多自焚或投池井洪秀全已前

一月死其子洪福瑱年十五六餘黨挾之走廣德去國荃
傳令閉城救火獲玉璽二金印一僞忠王李秀成王兄洪
仁達等皆伏誅凡殺賊三千餘人斃賊十餘萬捷聞封曾
國藩一等侯加太子太保銜曾國荃一等伯太子少保銜
並賞戴雙眼花翎其餘文武論功進秩有差江南平 同
治三年江南粵寇旣平有賴文光併歸捻逆中與任柱牛
老洪等出沒豫魯之間其勢益熾四年詔曾國藩督師北
征秋八月駐節徐州先辦湖團案以清內奸湖團者銅山
沛縣之交有微山湖灘地咸豐四五年間黃河溢曹州山
東難民唐守忠率眾居之墾地百餘里眾數萬人徐州官

吏已升科定賦矣其地膏腴歲收數倍銅沛民豔而爭之湖團乃結捻自助讐殺無已銅沛民訴之國藩國藩下令驅逐或謂寇氛逼近激之且盡化爲捻國藩不爲動令劉松山引兵屯團中團民皆攜農器回山東撥銀四萬使原籍牧令撫卹之徐境以安五年奏設同知一員于湖團故地以治之夏四月張總愚走豐縣任柱走睢寧劉松山敗捻于湖團捻自豐沛犯徐州董鳳高李祥和邵之五月劉松山追捻徐州西屢破之冬十月捻分爲二任柱賴榮光爲東捻走豐縣劉銘傳橫擊之復敗入沛縣湖團而北去六年夏六月東捻南趨贛榆清口劉銘傳等屢敗之秋八

月李鴻章自濟寧移節臺莊捻撲宿遷運河牛師韓等拒
郤之復撲老劉淵姚廣武截擊敗之乃北走邳州爲潘鼎
新所要還走海州九月劉銘傳追敗之于王堰牛山捻自
贛榆橫趨入嶧縣山中冬十月銘傳追賊于徐州北日行
百餘里任柱耳受鎗傷復奔贛榆銘傳自當賴文光牛喜
子而令善慶當任柱捻皆百戰之餘殊死鬥善慶令騎兵
下馬結陣以洋鎗排擊捻死亡相藉猶進戰不已天忽大
霧銘傳令丁壽昌等乘霧繞捻後賴牛兩酋皆遁眾軍萃
于任酋捻黨潘貴升爲官軍內應自後狙擊呼曰任柱鎗
斃矣遂大奔羣推賴文光爲首潘鼎新追擊于海州上莊

大破之十一月擒衆爲官軍所逐大潰于壽光覆沒幾盡
賴文光率千餘騎鳧水奔流陽十二月擒渡六塘河牛師
韓程文炳俘斬百餘人劉銘傳郭松林由山東疾馳六百
里追至清江黃翼升李昭慶追至淮安擒由寶應高郵趨
揚州沿運河而行不敢縱掠至瓦窯鋪遇吳毓蘭執斬文
光殘黨走六合薙髮而散牛喜子任三厭等詣李世忠降
東捻平 宣統三年秋八月武昌革命軍起四方響應金
陵猶城守不下冬十月聯軍來攻統領王有洪與戰于幕
府山下敗績死之聯軍遂入城由是江蘇全省皆歸于民
國焉

光緒二十三年

1151

外舅伯雨先生著作等身刊以問世者已十有餘種往歲侍先生坐見案頭江蘇兵事紀畧稿本尙未付手民肇新請代排印先生許之旣而遠游贛粵及歸而先生已病今且去先生之歿七閱月矣亟於稻孫處索得稿本排印成帙以償宿諾所惜書成而先生已不及見矣悲夫

庚申八月中秋前一日受業甥江寧龔肇新謹跋